

特116
906

增冠
傍註
虛堂和尚語錄

卷九
卷十

~~254~~
~~155~~



始



●【通積】通訓負積聚也累也

●【斗南】見寶林錄天基節上堂

●【楊岐】正燈楊岐錄慈明住南源師往參依不憚勤苦及慈明遷道吾石霜師曾輔佐具自請作監寺衆論難然稱善挾摺袈入典金穀時時出慈語以摩拂慈明諸方傳以爲當依之學久然未有省發否參明曰庫司事繁且去

●【用都寺】禪門寶訓雪堂曰高庵住雲居用姪爲監寺用姪尋常廉約不點常住油用姪處已雖儉與人甚豐接納四來畧無倦色高庵一日見之曰監寺用心固難得更須照管常住勿令疎失用姪曰在某失爲小過在和尙尊賢待士海納山容不同細微誠爲大德高庵歎而已故叢林有用大碗之稱

△續傳燈高安悟法嗣婺州雙林德用禪師云云

●【龍峯】徑山即神龍所據故稱龍峯見前錄

臨安府徑山興聖萬壽禪寺後錄

參學 正一 淨喜 尙賢 編

上堂開端令節萬事從新普賢磨墨文殊把筆書簡事事大吉從茲常住寬餘掃除通積

斗南長見老人星五峯峨峨倚空碧

謝知事上堂楊岐挾紙衾出入庫司三十年

力輔慈明用都寺不點常住油買大碗造食

供養大衆後爲亞世命師叢林標準况此龍

●【國師】徑山開山圖一也
●【股肱】股肱，臣見徑山錄。

峯名滿天下來者，卽非凡木居者，盡是棟材。從茲日日春風挽回國師元氣，且股肱得人，一句作麼生老僧八十間無數贏得看山復看雲。

上堂舉，瀉山因摘茶，次謂仰山曰：終日摘茶，只聞子聲，不見子形。仰撼茶樹，瀉云：子只得其用，不得其體。仰云：未審和尚如何。瀉良久，仰云：和尚只得其體，不得其用。瀉云：放子二十棒。拈云：瀉山恐仰山不在時，時管帶仰山子承父業，豈敢妄爲。若是體用互換，放過杖子，總是第二月。結夏小叅，僧問如來夏制，禁足護生，衲僧家

●【第二月】楞嚴佛言，此見妙明，與諸空塵亦復如是。云云，如第二月，誰爲是月，又誰非月，文殊但一月異中間自無是月非月。

①【只可自至贈君】此兩句，古詩也，見佛祖讚。

②【不離當處】見證道歌。

③【以大圓覺】見與聖錄。

④【心如工伎】楞伽經云：如愚見指月，觀指不觀月，計着名字者，不見我真實心，爲工伎兒意。如和伎者，五識爲伴侶，妄想觀伎衆。

△佛語心論云：第八心識，譬如傀儡牽抽，伎人第七意識，應和傳報示導，伎人前五諸識，鼓笛歌謳擊節，伴黨妄想，六識觀伎愛樂計度，諸人夫傀儡戲，四衆成事能三所一，戲場備開。

⑤【靈峯】徑山有靈巖，塚故云爾乎，見前。

⑥【峻嶺】嶺通作領，蘭亭記：崇山峻嶺云云。

⑦【崑山】見頌古。

⑧【赤水】見瑞巖錄。

朝游西天暮歸東土，作麼生制得他。師云：只可自怡悅，不堪持贈君。僧云：若如是，則不離當處，常湛然覓則知君，不可見師云：餓狗齧枯體，僧問只如以，以大圓覺爲我伽藍，身心安居平等性智心，如工伎兒意，似和伎者作麼生，得身心安居去。師云：見人空，解笑弄物，不知名，僧云：某甲今夏信受奉行去也。師云：釘觜鐵舌得人憎。師乃云：靈峯勝境，神龍變化，出沒難測，其由物外，高人不憚，崇岡峻嶺，望風而至，不爲崑山探玉，赤水求珠，直教刺腦入膠盆，正好將身挨白刃，時臨夏制，意在護生，性地絕塵，無

【成就慧身】華嚴經。知一切法即心自性成就慧身不由他悟

【陸州】傳燈陸州傳載此錄西峯長老來參云云

△撈折雲門脚見頌古

【鵝護雪】見延福錄

【臘人冰】見報恩錄

【不得一半等】見淨慈後錄

【齋粥】清規赴齋粥下云古規每日住持赴堂早粥時先於堂外坐待堂前鳴鐘即入堂大乘齊下床普同問訊就坐近時諸方住持大鐘鳴時先入堂坐至堂前鐘鳴方下地普同問訊

【三德六味】一清淨二柔軟三如法出淫榮經

△六味一淡二鹹三辛四酸五甘六苦出俱舍論詳大藏法數

【香風】化城喻品偈以喻老衰強壯共財法得益

【逍遙】莊子註言優游自在也

生可護且九十日內精修梵行成就慧身一句作麼生卓主丈雪後始知松栢操事難方見丈夫心

復舉陸州和尚因西峯相訪置茶果道話次州云長老今夏在何處安居峯云蘭溪陸云多少衆峯云七十餘僧陸云時中將何示徒峯拈起柑子州云著甚死急拈云陸州雖不用撈折雲門脚底險機要且賓主歷然忽有問徑山今夏多少衆內外七百餘僧忽又問尋常將何示徒和聲便喝待他擬議則便道徑山門下誰敢捋虎鬚次日上堂鵝護雪臘人冰諸方恐有之我者

【法藏比丘】歸元直指阿彌陀佛因地事理說鼓音王經云過去久遠劫中有國名妙喜王名彌尸迦祖父清泰國王父月上轉輪王母殊勝妙顏王后生三子長曰月明次曰彌尸迦三曰帝乘時有一佛出世號世自在王如來彌尸迦棄捨國位投佛出家名曰法藏比丘恭對如來發四十八種廣大行願普度十方一切衆生若一願不滿者誓不作佛是時諸天散花大地震動空中讚言決定成佛

△統紀往生傳楊傑字次公無爲人官尙書主客備歷禪林參尋知識晚年畫西方佛像隨行觀念舍壽之日感佛來迎端坐而化

△會元公傳辭世偈曰無一可戀無一可捨太虛空中之乎者也將錯就錯西方極樂

【侍講】事物紀原後漢張闡顯宗時數講於御前每侍讀有教正

增冠堂堂印可五百餘卷

徑山後錄 三

裏毀於佛謗於法不入衆數尙且救不得一半何況九十日內如守古塚鬼作麼生得證入去擊拂子修心鍊行三世佛冤

謝秉拂夏齋上堂齋粥二時下地問訊進退揖讓謂之禮撞鐘伐鼓謂之樂二者既備三德六味自天而降棒喝交馳從何而起會則香風吹萎花更雨新好者不然丁寧損君德上堂君勿愛清涼清涼如火如沸湯君勿惡炎熱炎熱如冰如積雪勿愛亦勿惡未是逍遙處楊次公自見天衣懷和尚之後縱其波辯品藻諸方咸謂法藏比丘後身獨徑山殊未之信畢竟此是何人卓主丈清朝楊侍講

見前

之辭帝常言，爾侍講，屢諫正及他，傳往往有侍講禁內之文名蓋起於此也。

●【佛牙郎】輟耕十一今人謂祖僧者為牙郎，本謂之互郎，謂主互市事也，唐人書互作牙，互與牙字相似，因訛而為牙耳。

●【鴉作鴉鳴】仰山語，詳類聚飛走。

●【孔竅】緇林寶訓慈受深小參，莫道焦山長老說禪全無孔竅，淮南精神孔竅者精神之戶牖也。

●【行籌坐草】要覽下梵音舍羅，此云籌，因律有婆羅門問比丘，近多林現住幾人，比丘不知，佛言應可行籌。
△坐草見前

季世佛牙郎

上堂鴉作鴉鳴，鵲作鵲噪，盡大地人不知孔竅，忽有箇漢出來道：大唐國裏有人在，老僧不覺屈膝吐舌，何故將謂無人。

謝監收上堂禾子熟也，世間好事人皆聽刈鎌一舉鉢盂無底貯虛空，古今差別情通主丈頭邊路活，且道往來飽德所主者何人，卓主丈家住海門東，見前樽桑最先照。

解夏小叅大覺世尊直下五十三世嫡孫比兵某甲見住徑山興聖萬壽禪寺承佛遺蔭，遵佛制法於四月十五日不用行籌坐草與四海禪流同此安居於九十日內四威儀中。

●【無雜用】會元趙州云：老僧行脚時除二時粥飯是雜用心處，外更無別用心處，若不如是大遠在。

無頃刻雜用身心證此阿羅漢果無漏法身，出生入死得大受用，夫復何疑，忽有箇漢出來道：老和尚畢竟有何憑據，山僧教伊近前來，低聲子向他道：備把得穩便了。

復舉鏡清和尚問僧：近離甚處，僧云：三峯夏在甚處，僧云：五峯清云：放子三十棒，僧云：某甲有什麼過，清云：蓋汝出一叢林入一叢林，拈云：動絃別曲，落葉知秋，山中散夏，豈無衲子，東去西去，忽有人問：切不得道在徑山過夏，道著則打破，備鬪體何故，卓主丈酒逢知己飲，詩向會人吟。

次日上堂頂上笠腰下包千里萬里路，岩巖

●【岩巖】山高貌

●【定上座】見報恩錄

●【趙州】見寶林錄

途中忽然撞著定上座輩道趙州東壁挂葫蘆意作麼生放下笠子向他道我今夏在徑山住曾見虛堂和尚說來且待我思量看待他擬議欄胸一拳頂笠便行

●【著龜】書洪範七稽疑注有所疑則卜筮以考之龜曰卜著曰筮著龜者至公無私故能知天之明△易繫辭探賈索隱釣深致遠以定天下之吉凶成天下之亹亹者莫大乎著龜

●【丹霞來】見頌古

●【三應】忠國師侍者機緣

謝書記藏主維那知客侍者上堂禮樂謙恭進退揖讓叢林標準後學著龜只因夫子不識一字帶累他老胡說得不盡直饒綱令清峻險人眼高置之一邊忽若丹霞來訪國師又作麼生卓主丈三應不得漏洩
上堂舉雲門示衆三乘十二分教達磨西來放過則不可後來雪竇大師舉了隨後喝云大眾好喝落在什麼處若要鼻孔遼天須是

辨取者一喝拈云二大士承承家法殊不知有滲漏處徑山則不然若要鼻孔遼天直須去此一喝

運菴和尚忌日拈香吽囉吽喇竭節地轉天回難辨別不使松源省數錢慣用衲僧鎖口訣同死不同生特地成途轍秋風影裏重羅列義斷情忘四十年何時待得龜成鼈

上堂開不如靜忙不如閒靜閑俱泯謂之得理歸宗事理絕日輪正當午又作麼生商量擊拂子向道莫行山下路果然猿呌斷腸聲上堂舉仰山坐次忽有異僧從空而至作禮庭立仰云近離甚處僧云今早離西天仰云

●【吽囉】見施餓鬼

●【省數錢】因學紀聞攷史梁武帝時錢陌減始有足陌之名唐末以八十爲陌漢隱帝時王章又減三錢始有省陌之名

●【鎖口訣】長慶門下宗唱見前

●【不如閒】間通作閑

●【歸宗云々】二句歸宗智常頌也見傳燈二十九

●【日輪當午】天台五時者云云五法華涅槃二經名也時者謂正說此經如日輪當午之時也出四教儀詳大藏法數

●【仰山集雲峰】一統志袁州府仰山周迴數百里高聳萬仞絕高處可仰不可登因名山有集雲峯歲早人望其峯雲勢漲甚雨即至

●【羅織】傳燈風穴章南院曰三十年住持今日被黃面浙子上門羅織

●【般若多羅】識偶路行跨水復逢羊獨自懷懷暗渡江日下可憐雙象馬二株嫩桂久昌昌詳事苑

何來太遲僧云游山翫水仰云神通妙用則不無閣梨佛法須還老僧僧云特來東土禮文殊却遇著箇小釋迦拈云仰山布漫天網於集雲峯下羅織有知無端被小果聲聞用冬瓜印子當頭一搭却乃休去若到徑山門下更須驗過始得何故擊拂子禮非玉帛而不表樂非鐘鼓而不傳

開爐上堂徑山年老心孤要說火爐頭話終不道東家杓柄長西家杓柄短只要每日鉢盂兩度濕忽然坐到更深毛頭星現各自救取眉毛

達磨忌拈香應般若多羅之識嫩桂無差破

●【流支】此名覺希事見碧巖一等

●【六宗歛影】見寶林錄

●【一華五葉】同見寶林錄

●【山椒】椒通作樵山嶺曰山椒

●【沾聖澤】正宗記云佛法被震且四百八十四年至于達磨而聖人之教益驗其道益尊云云

●【月良】見續編

●【春小】初學記冬日其暖如春故謂之小春

△歲時記十月天時和暖似春故曰小春之月

●【五葉五敷】五日也見續編

●【兜樓】名義集衆香都兜樓婆出鬼神國此方無故不翻或翻香草舊云白茅香

●【不審】俗語見前

●【德山因廓】守廓侍者嗣興化

此緣見延福錄

●【披籠】見延福錄

流支三藏之疑詞鋒峻烈從此六宗歛影正脉流通一花五葉滿地吹香海豎山椒咸沾聖澤月良春小荳莢五敷炷此兜樓少伸攀慕且道大師還來也無插香云不審不審上堂舉德山因廓侍者問從上諸聖向什麼處去山云作麼作麼廓云勅點飛龍馬跋鼈出頭來山休去明日山浴出廓度茶與山山撫廓背一下云昨日公案作麼生廓云老漢今日方始瞥地山又休去師拈云盡謂德山兩處休去是養子之緣殊不知閑市裏打靜槌死水裏設羈絆

上堂朝鐘暮鼓晨粥午齋一一見聞覺知謾

●【羅紆】增韻繫足曰紆給首曰羅

●【歸宗斬蛇】見代別

●【大隋蓋龜】見寶林錄

他一星子，不得及問他歸宗斬蛇，大隨蓋龜，便去不得，且道障礙在什麼處，忽有衆中衣鉢，道友本色衲僧出來，露箇消息，供養大眾，也好箇時節。

冬至小叅陰極，陽生理隨，事變是偏衲僧家家具子，若能一念知歸，不被寒暑之所遷，自然靈脉貫通，暖氣相接，直饒葭管飛灰，繡紋添線，也是什麼閑絡索，忽然傍不甘底出來，道不涉化機，乞師指示，山僧只向他道：胡地冬抽筍，江南雪亞梅。

復舉洛浦和尚因龐居士來叅禮拜，起云：孟夏漸熱，仲冬薄寒。浦云：莫錯。士云：龐公年老。

●【葭管】見報恩錄

●【鳳樓】五鳳樓在洛陽城內，見一統志，河南府。

浦云：何不寒，便道寒；熱，便道熱。士云：患聾，作麼。浦云：放個三十棒。士云：啞却我口，塞却汝耳。師拈云：洛浦貪程太速，不知蹉過鳳樓。老龐密用金針，不覺鋒頭已露。檢點將來，二俱不了。且道那裏是他，不了底來。夜請首座，爲衆點破。

次日上堂，一氣不言發自九困之底，初爻無象，肇爲萬化之宗，依舊雲物呈祥，山林改觀，忽有箇漢向陰陽未判已前，打破漆桶，又且如何若果然生鐵也，須粉碎。

謝執事上堂舉地藏道，諸方浩浩說禪，爭如我者裏種田，搏飯師拈云：盡謂地藏坐一，走

●【地藏道】類聚是古佛頭，此話

云種田搏飯待方來，玄妙商量一

任猜

△搏食記，曲禮，毋搏飯，云云，又見前

七殊不知倒著麻鞋來似去徑山窮天文究地理到底不識者箇畢竟是什麼卓主丈一舉兩得

上堂舉乾峯和尚道舉一不得舉二放過一著落在第二師拈云乾峯慣與人解註徑山則不然舉一也不得舉二也不得放過也不得把住也不得何故卓主丈又添一箇解註也

除夜小叅更籌餞臘看看趨到結交頭斗柄回春日日數來添一歲加一酌則龐公子帽頭著地減一杯則李老君醉眼生暈從教臘雪連天說甚宰牛分歲盡是有名無實說食

【更籌】籌矢也

【說食】楞嚴云如人說食終不能飽

【法堂草深】長沙語見前

【天澤庵】師之所創建見行狀

【高飛戾天】中庸註詩大雅旱麓之篇高鳴顯以明化育流行上下昭著莫非此理之用

【四夷】孟榮惠王蓋中國而撫四夷云云東夷西戎南蠻北狄謂四夷

【剛辰】由禮外事以剛日內事以柔日註甲丙戊庚壬為剛乙丁巳辛癸為柔

【南郊】左傳啓蟄而郊杜預曰祀天南郊

【新檀叢林】新檀叢林新檀園

【正心誠意】見大學

【權衡】韓非子權衡懸而重益輕

充饑徑山別有條章只要知時識節只如篝燈遠照靜守除夕將何管顧卓主丈莫嫌老婦無盤釘笑指爐中芋栗香

復舉歸宗因小師辭次宗云向什麼處去僧云諸方學五味禪去宗云我者裏一味禪因什麼不學僧云如何是和尙一味禪宗便打

僧云我會也我會也宗云道來看僧擬開口宗又打拈曰是則是劔及上事要且盡法無民徑山令行一半曲為今時若依而行之則非惟法堂前草深一丈正恐無人看天澤菴

正且上堂鸞飛戾天魚躍千因四夷拜舞八表宣傳笑看紅日上闌干且道歲且剛辰是

○【向道是龍】盧肇詩云向道是龍人，不信果然奪得錦標歸。

△荆楚歲時記：酒原以午日死於汨羅，人傷其死，並以舟楫，極之至今競渡是其遺俗。

△文苑英華：競渡歌，鼓聲漸急，標將近，兩龍望標，目如瞬。

△又郭功父詩：競渡傳風俗，旁觀亦壯哉，掉爭飛鳥疾，標奪彩龍回。江影潭，翻鶴，歡聲遠震雷。

○【放燈】事文類聚：上元燃燈，或云以漢祠太乙，自昏至晝，故事梁簡文帝有列燈，陳後主有光壁殿，遙詠山燈詩。唐明皇先天中，東都設燈，文宗開成中以燈迎太后，則是唐以前歲不常設。太宗時三元不禁夜，上元御乾元門，中元下元御東華門，而上元游觀獨盛。

○【鞞鼓】選鞞鼓入侍云云。

○【巷陌如畫】雍洛靈異小錄：唐朝正月十五夜，許三夜夜行其寺。

觀街巷燈明若畫，山棚高百餘尺，神龍以後復加嚴飾，士女無不夜遊，車馬塞路有足不躡地，浮行數十步者。

○【有五燈】傳燈宜慈禪師道原所編廣燈，駙馬都尉李遵勗所編普燈，雷庵正受所編續燈，佛國禪師惟白所編聯燈，晦翁悟明所編也。

○【親見雪峯】保福嗣雪峯故云爾。

○【柳示雙跌】迦葉此云飲光見名義集。

△後分經時，大迦葉與五百弟子在耆闍崛山，去拘尸城五十由旬，迦葉於正受，中心驚身顛，從安中出，見地大動，即知如來已入涅槃，即將弟子往拘尸城，至佛棺所，如來大悲為迦葉，故棺自然開，顯出真金紫磨堅固色身，迦葉哀哽，即以香水灌洗，千盞纏身，棺門即閉。

何祥瑞，卓主丈，天子南郊。

謝新舊兩班，上堂有賓有主，有禮有樂，謂之梅檀叢林，其主也正心誠意待物，如春其賓也。標準後學，權衡通變，忽若賓主互融，禮樂一致。又作麼生卓主丈，向道是龍，剛不信，果然奪得錦標歸。

元宵上堂，朝家元日郊禮，天地開泰，聖天子感而放燈，一月以享上帝，鞞鼓之下，青紅碧綠巷陌如畫，禪門中亦有五燈，有傳燈廣燈，普燈續燈，聯燈燈燈相續，循環無盡，且道徑山是什麼燈，卓主丈，墻壁有耳。

上堂舉保福因僧侍立，次福云，備得恁麼，龜

心僧云，什麼處是某龜心，福將一塊土，度與云，拋向外邊著，其僧拋了，再問福云，我見備壑著，磕著，所以道，備龜心，師拈云，前面許備親見雪峯，後面未敢相許，何故擊拂子，金以石試人，以言試。

佛涅槃上堂，天不文，地不理，忽去忽來，如月印水，歲月已往，兮波旬得時，柳示雙跌，兮飲光增喜，悲兮喜，兮春風桃李，一以貫之，曾子曰唯。

上堂舉見見之時，見非是見，見猶離見，見不能及，拈云，黃面老子，其實要汝，諸人不執方，歸乎中道，殊不知，雕砂無鏤玉之功，徑山不

迦葉說偈，如來復現雙足千幅輪相，出於棺外，迦葉證識，金剛雙足還，自入棺。

【一以貫之】語里仁，子曰參乎。吾道一以貫之，曾子曰唯，註貫通也，唯應之速而無疑者也。

【見見之時】楞嚴第二文，吳興曰：真見見於見精之時，真既無妄，故曰見非是見也。補註曰：且借見精作一告字，配成四句云：見告之時見非是告，見猶離告，告不能及。【長水】統紀立教志，載師傳并此緣。

【清淨乃至大地】富樓那之問見楞嚴四。

【百昌】事文夏，都漢郊祀歌，朱明盛長，敷與萬物，敷華就實，既阜既昌。

【噴地】大慧普張提刑書，萬分中已省得九千九百九十九分，只欠噴地一發便了。

惜口業，今日作一句子與諸人解註去也。擊拂子。

上堂舉長水問：琅琊清淨本然云何忽生山河大地？瑯琊清淨本然云何忽生山河大地？瑯琊清淨本然云何忽生山河大地？長水有省拈云：敢問諸人問處，一般答亦不別。長水因甚悟去？徑山更與諸人解註一徧擊拂子。清淨本然云何忽生山河大地？上堂首夏清和百昌敷茂會，四海高人深探淺究，驀然噴地一發，吸盡百川不餘水之一滴，燭盡須彌，不消火之一豆，誰辨來由？松肥竹瘦，直饒七事隨身，徑山道箇未是何故擊拂子。洞山佛無光，韓信臨朝底。

【洞山佛無光】巖頭語，見代別。【韓信】事苑，漢呂后因人告韓信欲反，后與蕭相國詐謀，謂信曰：雖病可強入賀，信臨朝，吕后使武士縛信，斬之。長樂鐘室，信方斬曰：吾不用喻通，反為女子所詐。

【那蘭陀】名義西域記云：唐云施無厭云云，如來昔行菩薩道時，為大國王，建都此地，憐愍衆生，好樂周給，時美其德，號施無厭。△大宋僧傳云：那爛陀寺，周圍四十八里，九寺一門云云。

【給孤】見金剛註。【具真天眼】舉二通，總六通也。法界次第，天眼通修，天眼者，若於深禪定中，發得色界四大清淨，造色住，眼根中即能見六道衆生，死此生彼，及見一切世間種種形色。是為天眼通，宿命通，修宿命通者，若於深禪定中，發得宿命智，即能知自過去一世二世百千萬世乃

結夏小參西天那蘭陀寺不曾禁足，法令森嚴，給孤園中不立期限，得道者多，故我大覺世尊具真天眼，宿命通觀，東土兒孫不受戒律，心游邪徑，故下制以禁之，令其九十日內，速證道果。山僧聞得不覺寒毛卓豎，不敢預聞何故擊拂子，但持雞狗戒，不學祖師禪。復舉良遂座主參麻谷和尚，一見來便，攜鋤入菜園，略不相顧。復參次谷便，閉却門，遂扣門，谷云：誰遂應聲未絕，豁然大悟云：和尚莫謾良遂好，若不來見和尚，幾被經論誤却。一生後來告衆云：良遂知處，諸人不知，諸人知處，良遂總知，頌云：諸人知處，良遂知。

至八萬大劫宿命及所行之事，亦能知。六道衆生所有宿命及所之事，是爲宿命智通也。

【鷄狗戒】非因計因等，非佛戒。見集解寺。

【無適無莫】語，里仁君子之於天下也，無適也無莫也。註：適，可也莫，不可也。

【泰定】莊庚桑楚篇，字泰定者，發乎天光，註：字，何中也。泰然定則天光發見即誠而明也。

【岑樓】孟子可使高於岑樓，註：山之銳嶺是亦可未解度也。

【實所】法華化城喻品文也。

【顏子坐忘】莊大宗師篇，顏回曰回益矣，仲尼曰何謂也，曰回忘仁義矣，曰可矣，猶未也，它日復見，曰回益矣，曰何謂也，曰回忘禮樂矣，曰可也，猶未也，它日復見，曰回益矣，曰何謂也，回坐忘矣，仲尼蹴然曰，何謂坐忘，顏回曰，墮肢體，離

聰明，離形，去知，同於大通，此謂坐忘。註：離，形體也，去，智識聰明也，大通，即大道也。

【朝奉】朝奉，見前提刑郭祥正字，功甫，號淨空居士，詞，白雲見本傳。

【光明雲】增一阿含經云，佛言，香爲佛使，故須燒香，遍請十方戒香定香，解脫香，光明雲臺，遍世界供養，十方無量佛，見聞普熏，證寂滅。

【擘開面門】用語，公以指勞破面門，十二面觀音相，或慈威威僧，緣竟不能寫，見前。

【白蓮峯】一統志，黃州府，黃梅縣五祖山，即五祖大滿禪師道場，山頂有池，生白蓮花，又名蓮峯。

【白雲溪】白雲溪，一統志，舒州有白雲山，出絲毛，龜云云，此地乎，舒州，白雲，雖隣國，其間遙遠不可。

處人不知因，思積雨花，狼籍空寫，愁腸說向誰。

次日上堂舉一明三日機，銖兩爲什麼，終身不得放浪，雲山無適無莫爲什麼，經年泰定且如來，制中合取那一等，上科爲後人法式，上堂丁一卓二未解度關，坐一走七似近岑樓，會得炎炎火聚，如入清涼寶所，不會則清涼寶所如坐，火聚刀山要須如顏子坐忘始有做工夫分。
上堂舉朝奉郭功甫請五祖演和尚上堂，朝奉先於法座前燒香云，此一辨香，薰向爐中爲光明雲，徧滿法界，供養我堂頭師兄禪師。

伏願於此雲中方廣座上，擘開面門，放出先師形相，與他諸人描邈，何以如此，白雲巖畔舊相逢，往日今朝事不同，夜靜水寒魚不食，一爐香散白蓮峯，祖乃云，曩謨薩怛多鉢囉野，恁麼恁麼幾度，白雲溪上望黃梅花向雪中開，不恁麼不恁麼嫩柳條，金線且要應時來，不見龐居士問馬大師云，不與萬法爲侶者，是什麼人，大師云待汝，一口吸盡西江水，卽向汝道，大衆一口吸盡西江水，萬丈深潭窮到底，徠約不是趙州橋，明月清風安可比，師拈云者般說話，有甚捉摸處，盡從無依無欲，中流出此三昧，或者道，棊逢敵手琴遇知。

得望矣

●【廬居士】居士錄也

●【徐約】徐當作略，約見前

●【結集法藏】僧祇律，如來滅後，於畢鉢羅窟立三座，部主結集三藏，阿難誦出經藏，迦葉誦出論藏，優波離誦出律藏。

△又智論至中夏安居初十五日，迦葉共千羅漢，在王舍城結集三藏。

●【先聖洪範】洪，大也，或作鴻範，法也，或作范。

●【偷安】唐陸贄傳，引日偷安。

△又中峯錄序，故言叢林栽培滋植，必以其道，苟不以其道，而偷安利養，貪欲噴志，是皆叢林斫伐之斧斤，殞穫之霜霰耳。

●【韓幹馬】圖繪寶鑑，韓幹，長安人，王維一見其畫，遂推贊之，天寶初入，為供奉，時陳閱畫馬，榮遇一時，明皇令師之韓，不奉詔曰，臣自

音誰便不與麼道待虛堂換却骨頭却許備者一轉語

解夏小叅結集法藏取證剋期此是先聖洪範結集法藏務要慧命流通取證剋期貴在情量頓脫徑山今夏一眾現大人相各不相知主賓彼此偷安說甚明知故犯及乎逗到言薦賞勞直是無啓口處且道是何等叢林卓主丈韓幹馬嘶芳草渡戴嵩牛臥綠楊陰復舉黃檗因臨濟上山問訊住數日乃辭檗云汝破夏來何不終夏去濟云暫來問訊檗便打令其去濟行數里疑其事再回終夏師拈云臨濟當時若一去不回使黃檗懸鼓待

有師今陛下內殿馬皆臣師也明皇益奇之

●【戴嵩牛】張彥遠名畫記載戴嵩事曰韓晉公澗之鎮浙右暑為巡官師晉公之畫不及他物惟善水牛而已田家川原亦有意思

△圖繪寶鑑戴嵩不知何許人初韓澗鎮浙西命為巡官師澗畫皆不及獨於牛能畫野性過澗遠甚至於田家川原亦各臻妙云云

●【金口木舌】如釘剪鐵舌等語八僧天將以夫子為木鐸金口木舌施政教時所振以警衆者也

●【東京】一統志開封府五代梁都於此號為東京晉漢周皆為東京開封府宋因之

●【金明池】同山川金明池在府城西周世宗時鑿宋太祖幸此觀習水戰

●【鏡空】徑山前錄請于首座

●【招手】高亭事跡見前

槌方有些衲僧氣息無端再回終夏依舊鹽落醬裏且道請訛在什麼處擊拂子將謂不然今則果然

次日上堂秋風吹曉露秋雨送秋炎祖師門下客無處不咨叅前程忽撞著箇金口木舌漢又作麼生卓主丈且喜大事了畢

上堂舉五祖戒和尚問僧近離甚處僧云東京祖云曾見天子麼僧云常年一度出金明池祖云有禮可恕無禮難容出去師拈云者僧若親從京師來也恐謾他不得

中秋送鏡空西堂赴三塔上堂門當古道塔帶寒江不須招手自來誰敢橫趨而去景德

○【典刑】書舜典象以典刑
○【柔膺】書誕膺天命註當也

○【壺丘子林】高姓統譜周壺丘子林鄭人道德甚優列禦冠師事之

○【火爐頭】類聚水火趙州示衆云老僧三十年前在南方火爐頭有箇無賓主話直至如今無人舉著

堂上鏡空禪師蘊前輩典刑有尊宿禮貌榮膺朝命光闡宗猷聚首龍峯可無攀感直得寒山拆掌拾得歡呼何也卓主丈此夜一輪滿清光何處無

上堂舉雪峯在洞山作飯頭淘米次山問云爲復是淘沙去米爲復是淘米去沙峯云沙米一齊去山云大衆喫箇什麼峯覆却盆子山云子緣法合在德山師拈云季咸相壺丘子林隨變不分仗劍而逐之洞山謂雪峯緣在德山不知是何相法峯後果嗣德山此又過是季咸之徒歟
開爐上堂舉趙州火爐頭無賓主話多年無

○【範粥鍋】記禮運范金合土註范字當從竹范金爲形範以鑄金器也合土和合泥土爲陶器也
○【範法鼓】呂氏春秋傳宋子罕之南家爲範者也

○【行堂】清規訓童行爲行者普說等鳴行堂也云云

○【大乘根器】慧可大師見前李白詩妾叢臺女揚娥入丹闕

○【桂叢】事苑叢辨般若多羅偈路行跨水忽逢羊獨自接樓暗渡江日下可憐雙象馬二株嫩桂久昌昌此處遠磨西來始終之事達磨始來見梁武帝帝名衍衍從行從水故云路行跨水帝既不契祖師途有洛陽之游故云逢羊羊陽聲相近也祖師不欲人知其行是夜航葦西邁故曰暗渡江也祖師西來見梁魏二帝此言日下雙象馬也九年而壁於少林故曰二株

人提掇徑山火爐頭無賓主話又作麼生每日只管理論範粥鍋築浴室輓法鼓造江船且與麼過何暇舉火爐頭話來春又要架僧堂移行堂立行者名次與麼時節方可閉門作活

達磨大師忌日拈香觀東震旦有大乘根器逾海越漠而來遠赴梁朝丹闕一言契合如春卷衣北面折葦問津信知桂叢不誣人追思嚴諱炊黍鱸芹流水希聲絃欲斷不知將底續芳塵
上堂舉風穴示衆云若立一塵家國興盛野老鬢蹙不立一塵家國喪亡野老安恬師拈

嫩桂也久九聲之近也已上雲門
暎禪師所註也

②【風穴示衆】會元風穴云家國
與盛却云野老響覺家國喪亡却
云野老安恬雖是提逆順自在之
機猶是相似底也

△估託協切靜也安也

③【羲皇上人】前晉陶淵明傳嘗
夏月虛開高臥北窓之下清風颯
至自謂羲皇上人

④【大槐安國】異聞錄淳于棼飲
槐下醉歸臥夢二使曰槐安國奉
邀指古槐入穴中曰大槐安國王
曰南柯郡不理屈卿爲守累日達
郡察尋古槐下穴明明可容一榻
有二大蟻乃王也一穴直上南枝
即南柯郡也

⑤【禪病】圓覺經普覺章大悲世
尊快說禪病又見楞嚴九

⑥【裴相國】名休字公美嗣黃藥
△又圭峯禪師著禪源詮原人論

云風穴只要箇相似底殊不知天傾東南地
陷西北會得日與羲皇上人游戲大槐安國
其間得失榮辱自能知之卓主丈云參
上堂平生好攻禪病不知病是道源要知道
源端的直須陸地行船因思大唐裴相國作
圓覺經一序一字一義聳動人天又思本朝
溫國公製解禪頌六篇一褒一貶口業昭然
匪伊自絕夙種佛亦不度無緣
冬夜小叅僧問滄山問仰山仲冬嚴寒年年
事晷運推移事若何仰山又手近前而立師
云父攘羊子證之僧云滄山云情知子答者
話不得師云一家父子和氣如春僧云香嚴

及圓覺經疏注法界觀普爲之序
見本傳

⑦【溫國公】司馬光字君實陝州
夏縣人元祐初拜相年六十八薨
贈太師封溫國諡文正

⑧【解禪頌】緇林寶訓司馬溫公
解禪偈序曰文中子以佛爲西方
聖人信如文中子之言則佛之心
可知矣今之言禪者好爲隱語以
相迷大言以相勝使學者假々然
益入於迷忘故余廣文中子之言
而解之作解禪偈六首若其果然
則雖中國行矣何必西方若其不
然則非余之所知也忿怒如烈火

利欲如錐鋒終朝長戚戚是名阿鼻獄
誦回安陋巷孟軻養浩然富貴如浮雲
是名極樂園孝弟通神明忠信行蠻貊
積善來百祥是名作因果言爲百代師
行爲天下法久久不可掩是名不壞身
仁人之安宅義人之正路行之誠且久
是名光明處道德修一身功德被萬物
爲賢爲大聖是名佛菩薩

⑨【佛亦】傳燈嵩嶽元珪傳佛能知
群有性窮億劫事而不能化導無緣
⑩【父攘羊】語子路註有因而盜曰攘

入來滄舉前話嚴云某甲偏答得者話滄山
復舉嚴亦又手近前而立此意如何師云離
婁行處浪滔天僧云滄云賴遇寂子不會師
云手臂終不向外曲僧云今夜忽有箇漢出
來問和尚仲冬嚴寒年年事晷運推移事若
何作麼生答他師云老僧也只與麼答他僧
云畢竟作麼生答師云劒去久矣僧禮拜
師乃云山僧得長老之名已四十年於四十

⑤【亞歲】沉約，宋書魏晉，冬至受萬國及百寮稱賀，因小會，其儀亞於歲朝也。

⑥【書雲節】左，僖公五年辛亥朔日南至，公既視朔，遂登觀臺以望而書禮也。凡分至啓閉必書雲物為備故也。註雲物氣色災變也。素察妖祥，逆為之備。

年中住十箇院子，其間論今考古說東話西，盡是門頭戶底之設，其緊切處不曾道著得一字子，今則時臨亞歲節，屈書雲反不如四十年前未曾啓口底，一句子分曉，且作麼生，是四十年前未曾啓口底，一句子卓主丈，要且不是這一句子。

復舉瀉山一日臥次，仰山來瀉乃轉面向壁臥，仰云某甲是和尙弟子，不用形迹，瀉作起勢，仰便出瀉召云，寂子仰回瀉云聽老僧說箇夢，仰低頭作聽勢，瀉云為我原看仰取一盆水一條手巾，瀉洗却面纔坐香嚴入來瀉云我適來與寂子作一上神通，不同小小嚴

⑦【五代時】唐與宋間有五代僭偽十國，瀉仰化行唐末五世而失系。

⑧【一氣潛回】見報恩錄。

⑨【雀填滄海】山海經發鳩之山其上多柘木，有鳥焉其狀如鳥文首白喙赤足名曰精衛，其鳴自詠是炎帝之少女名曰女娃，女娃遊于東海溺而不返故為精衛常銜西山之木石以墮于東海。註云發鳩之山今在上党郡長子縣西，墮音因塞也。

⑩【醍醐上味】見文句三等。

⑪【業鏡】楞嚴詛習交誼云云故有惡友業鏡火珠披露宿業對臉諸事。

云得甲在下面了了知得瀉云子試道看香嚴乃點一碗茶來瀉云二子智慧神通過於鶩子目連師拈云瀉山源脉到五代時浸微且道因甚如此卓主丈過在目連鶩子次日上堂一氣潛回百昌萌動君子道長兮露柱咨叅小人道消兮燈籠作舞義出豐年道復太古國師懽喜問如何冬至寒食一百五

謝秉拂冬齋上堂以佛法玄妙布施於人如雀填滄海以醍醐上味供養於人如密裡砒霜是他宿習因緣佛也救他不得徑山明如業鏡這裏無備討便宜處

●【三白】東坡喜雪詩行當見三白註西北人之諺曰要宜變見三白芳云吳中風俗雜占臘月見三白田翁笑嚇嚇此月三遇雪主來年大熟

●【兩箇歲端】次有閏正月望上堂

●【天下】范希文云後天下之樂而樂歟

●【跬步】跬大桑若雅二切半步也

●【布穀】鳩也事文類聚羽虫部鳴鳩今布穀江東呼爲撥穀

正且上堂臘裏三白元正氣和天地開泰萬物得序因甚麼一年有兩箇歲端若謂閏餘成歲阿誰不知山僧尋常道天下人安我始安徑令通事舍人子細聽探是何氣數如是通事舍人不移跬步繞四天下打一遭無事不知無處不到歸來踊躍歡喜果有豐年之兆山僧云以何爲據通事舍人道都城巷陌市郵邸店村落鄉坊柴米蔬菜百物廉平二麥雪後鬱然可觀是爲豐年之兆山僧又問此外別有消息否他云桑柘樹頭聞布穀春風影裏牧耕牛山僧道通事舍人備果然名德相孚向春老僧有錢買箇油糍子供養備

●【新慶遠】後面真贊有慶遠俊長老請

●【不知歲】了元歌見續輯情々憐々體憐心亂無知貌見前

●【乾坤之內】寶藏論文見碧巖六十二評

●【爲將三文】臨濟曰若第三句中得自救不了

●【爲將兩文】又曰若第二句中得與人天爲師

他將身一旋拊掌大笑而去山僧惟切疑之雖然且道他笑箇甚麼閏正月望爲新慶遠長老上堂不知歲之餘閏不知月之大小懵懵懂懂如是者僅三十年一旦眼睛活便見朝旨踵門趣歸慶遠衲僧家潛行密用得與麼靈驗且上馬見路一句作麼生卓主丈江南春信早紫葳已伸拳上堂乾坤之內宇宙之間中有一寶秘在形山形山卽不問如何是一寶莫是上大人丘乙已麼咄可知禮也上堂舉踈山造壽塔次知事白云將幾錢與匠人山云爲將三文與匠人好爲將兩文與

●【為將一文】又曰若第一句中得與祖佛為師云云

●【大嶺】羅山開住大嶺見本傳

匠人好為將一文與匠人好若道得與吾親造壽塔其僧茫然後有僧舉似大嶺嶺云還有人道得麼僧云未有人道得嶺云備歸舉似和尚若將三文與匠人此生決不得塔若將兩文與匠人和尚與匠人共出一隻手若將一文與匠人帶累匠人眉鬚墮落僧回舉似踈山踈山禮拜云大嶺古佛放光射至此間雖然也是臘月裏蓮華大嶺聞得云我與麼道早是龜毛長數尺師拈云二大老向針頭上削鐵擬鑄太阿煞佛煞祖爭奈未有人橫點頭徑山壽塔是崑山薦嚴嗣子寶葉造來亦不知其價直且道與大嶺古佛放光射

●【太阿】劍名見前

●【薦嚴嗣子寶葉】名妙源續傳燈作道源見與聖錄

●【免被巡官】事文選檢部洪邁筒子巡尉之官專以捕盜賊僧姦猾為職云云

至此間相去多少卓主丈多年曆日如能用免被巡官指上推

上堂舉德山叅龍潭纔相見便問久嚮龍潭及乎到來潭又不見龍又不現潭云子親到龍潭至夜侍立次潭云子何不下去德山卽珍重揭簾而出見外面黑却回云外面黑潭點紙燭度與山山擬接潭卽吹滅山於此大悟便作禮潭云子見箇什麼道理山云某甲從今日去不疑天下老和尚舌頭次日潭陞座云可中有箇漢牙如劍樹口似血盆一棒打不回頭他時異日向孤峯頂上盤結草菴立吾道去也山取䟽鈔於法堂前將一炬火

●【疏鈔】青龍法師金剛經之疏鈔等也

●「洞庭青草岸」一統志岳州府有洞庭湖青神湖青神湖註北連洞庭南接瀟湘云云每夏秋水泛與洞庭為一水洞則此湖先乾青神生焉

●「我愛夏日長」坡詩二十五足柳公權聯句并引云柳公權小子與文宗聯句云云人皆苦炎熱我愛夏日長薰風自南來殿閣生微涼

△入海陸云上二句文宗句也下二句公權句也芳云見唐柳公權本傳白云漁隱叢話前集三十八載陳輔之詩話云舊唐史柳公權應制聯句薰風云云

●「大慧開得」會元大慧傳師至天寧一日開悟陞堂舉僧問雲門如何是諸佛出身處門曰東山水上行若是天寧即不然忽有人問如何是諸佛出身處只向他道薰風自南來殿閣生微涼師於言下

忽然前後際斷

●「葫蘆」見淨慈後錄

●「銅提飯人手」見寶林錄

提起云窮諸立辯若一毫置於太虛竭世樞機似一滴投於臣壑遂焚之師拈云辨龍蛇眼擒虎兕機自古有之只因錯為指陳以致破家散宅還有人辨得出麼喝一喝下座海西堂至上堂推天文窮地理將陰陽易數向著草影邊點指頭子數過無一星子漏落且道趙州東壁掛葫蘆在什麼數中會得事同一家不然多向洞庭青草岸楚天空闊不知歸

結夏小叅僧問人皆苦炎熱我愛夏日長薰風自南來殿閣生微涼此是古人聯句大慧聞得打破漆桶且道節文在甚麼處師云甚處見大慧僧喝云也是泥裏洗土塊師云果然僧云德山小參不答話有問話者三十棒此意如何師云醋酸何必挂葫蘆進云有僧出禮拜德山便打又作麼生師云鐵旗鐵鼓進云僧云某甲話也未問為什麼打某甲又且如何師云義出豐年進云山云爾是何處人僧云新羅人山云未跨船舷好與三十棒又作麼生師云德山性命落在這僧手裏進云只如德山與麼為復是賞伊罰伊師云劍握甌人手進云者僧是箇衝波逆浪慣弄潮頭底因甚德山覷他不破師云爾却被諸人覷破了也僧云只如今夜忽有箇漢出來道

●【賊是家親】見報恩錄
 ●【割瓮】莊田子方孔子見老聃云云出以告顏回曰丘之於道也其猶騷雞與夫子之發吾覆也吾不知天地之大全也註騷雞醜惡中之醜類也其包覆於甕中豈知甕外之大言所見者小也
 ●【劈琴煮鶴】李義山雜纂殺風景謂清泉濯足花上曬禪背山起樓燒琴煮鶴對花啜茶松下喝道
 ●【歸上科】古句三段不同收歸上科

某甲話未問為什麼打某甲未審和尚作麼生答他師云我不似德山老婆心僧云明眼宗師天然有在師云賊是家親師乃云古篆不文新條有制九旬禁足割瓮覓天三月護生劈琴煮鶴致使有志之士無所舒伸縱饒別有生機未免伏聽處分老僧今夜不惜眉毛作箇方便使現前四眾九夏無虛棄之功還信得及麼若信得及水邊林底切磋琢磨必有修證之期其如不然各請收歸上科復舉涌泉因雪峯訪乃門送峯入轎了泉云者箇四人舁那箇幾人舁峯聳身云道甚麼泉再舉峯云行行他不會師拈云電光石火

●【繩繩】詩彙新註不絕貌
 ●【福州】一統志名閩中郡
 ●【夫壘】爾雅壘疑也註云壘惑師巫為壘以左道惑人
 △本神四十二壘
 △藏器曰古人愚質造壘圖富皆取百蟲入壘中經年開之必有一蟲盡食諸蟲即此名為壘能隱形似鬼神與人作禍然終是蟲鬼咬人至死者或從人諸窟中出云云
 △大成論壘毒壘之為毒醫書所載雖有數種而中土少見之今古相傳多是閩廣深山之人於端午日以蛇虺蜈蚣蝦蟆三物同器貯之聽其互相食啖候一物獨存者則謂之壘云云

之機具大眼目卒難湊泊涌泉危流中失却手撓雪峯過在後語當時若是徑山待他聳身云道甚麼只向他道請和尚穩乘轎子非惟坐斷雪峯舌頭亦使天下人針筍不入次日上堂大覺世尊二千年前給孤園中聚一千二百五十比丘至安居日起模畫樣迨今繩繩未已今日忽有箇漢出來道我者裡是壘中天地別有日月不入備者保社山僧只得明窓下安排何故麒麟上瑞舉世希逢謝福州光首座秉拂上堂夫壘者最靈通不期而會不約而同拶著崖崩石裂拋出金圈栗蓬驚倒露柱嚇煞燈籠不知何處毒種元

來門裏有蟲

上堂排日治疊教盡一味休去歇去茫然湛然去謂之得道之士殊不知未曾啓口先犯國諱只如離言詮絕依倚諸方作麼生接納見前端午日嘉禾報恩冰谷遺書至上堂午見五謂之天中節陽德既剛元化以洽盡大地無非是藥者要且療不得無病之人且道那箇是無病之人卓主丈問取冰谷老子中夏上堂舉趙州問南泉如何是道泉云平常心是道州云還假趣向否泉云擬之則乖州云不擬又爭知是道泉云道不屬知不屬不知知是妄覺不知是無記若真達不疑之

○【冰谷】虎丘冰谷洞嗣誠翁翁嗣松源

○【天中節】見續輯

○【盡大地是藥】善財之緣見前

○【妄覺】見楞嚴

○【無記】又云第六識所具一切不善不惡之性也亦不屬善亦不屬惡初無記憶皆由意識所緣生成法則故名無記性

○【博】瓶集韻亦作博註瓦生者為鑿燒熟者為博也

○【單折交重】新易等擲錢要訣歌兩背由來折雙眉本是單潭眉交位定總背是重安

○【三伏】事文類聚曆忌釋伏者何也金氣伏藏之日也四時代謝皆以相生立春木代水水生木立夏火代木木生火立冬水代金金生水至於立秋以金代火金畏於火故至庚日必伏庚者金故也三伏夏至後第三庚日為初伏第四庚日為中伏立秋後初庚為末伏

○【死而無悔】語述而子曰暴虎馮河死而無悔者吾不與也臨事而懼好謀而成者也

○【突吉羅罪】華翻惡作等有一百種都小罪見梵網等

道豁若太虛豈可強是非耶趙州禮拜師拈云一夏九十日已過四十五日此是四十五日已前語焦博打著連底凍若是四十五日已後語老僧不得不說若不說又恐諸人見疑却煩主文子子細分看卓主丈單折交重上堂炎威三伏不為苦涼風四來不為樂樂中有苦人不知苦中有樂人不會搏虛空揮象外擔板一生死而無悔上堂一喝分賓主照用一時行且道賓主作麼生分若分得犯突吉羅罪若分不得背地裏捫心

●【曼德】魏府大覺，法嗣廬州澄心院，曼德禪師云云，本傳收此緣。
 ●【漢高祖給韓信】史韓信列傳，漢十一年春，故韓王信復與胡騎入居參合，距漢使，柴將軍擊之，遣信書曰：陛下寬仁，諸侯雖有畔亡，而復歸，輒復故位，號不誅也。大王所知，今王以敗亡，走胡，非有大罪，急自歸韓王信，報曰：陛下擢僕起閭巷，南而稱孤，此僕之幸也。榮陽之事，僕不能死，因於項籍，此一罪也。及寇攻馬邑，僕不能堅守，以城降之，此二罪也。今反為寇將，兵與將軍爭，一旦之命，此三罪也。夫種盡無，此罪身死亡，今僕有三罪，於陛下而欲求活於世，此伍子胥所以償於吳也。今僕亡匿山谷間，且暮乞食，蠻夷僕之思歸，如痿人不忘起盲者，不忘視也，勢不可耳。遂戰柴將軍，參合斬韓王信云云。

上堂舉興化示眾云：今日不用如何若何，便請單刀直入興化與汝證據。時有曼德長老出禮拜，起便喝化，亦喝德，化亦喝德，德禮拜歸眾，興化云：若是別人，三十棒一棒也，較不得何故？蓋他曼德一喝不作一喝，用便下座。師拈云：漢高祖給韓信而殺之，身雖死，其心果死乎？興化放曼德長老三十棒，和氣如春，較之賓主相見，則遠之遠矣。
 解夏小參，僧問：初秋夏末，布袋頭開時，節因緣請師開示。師云：若不得流水，還應過別山。僧云：學人到此，何似不問好。師云：叮嚀損君德。僧云：馬大師因僧問離四句絕百非，請師

見代別

俗語

直指西來意，此意如何？師云：拚身入虎穴，僧云：馬師云我今日勞倦，不能為汝說，問取智藏。又作麼生？師云：貪程太速，不覺落草。僧云：僧問藏藏云我今日頭疼，不能為汝說，問取海兄。此意如何？師云：神號鬼哭，禍及私門。僧云：僧問海海云我到者裏，却不會，又作麼生？師云：貶向無生國裏。僧云：馬大師父子各有病痛，還有人醫得否？師云：先醫得偏，方醫得他。僧云：學人無病，何必求醫？師云：通身是癩，不肯承當。僧禮拜云：謝師答話。師云：知過必改。
 師乃云：清泉白石偃，月枕雲竹屋茅堂。怡神

【入流忘所】楞嚴觀音圓通云。初於聞中入流亡所。流入流猶返流也。初觀聞性返照離緣不隨前塵。流轉起滅。故云入流亡所。

【一把香芻】風穴錄問最初自恣合對何人。師曰一把香芻云云。△事苑風穴乘吼集根本百一羯磨云。受隨意比丘應行生芽與僧伽為座諸比丘並於神上坐。

△又因果經云。一切如來成無上道。以神為座。故吉祥童子施軟草於世尊。隨意即自恣也。

【金錫】又根本雜事云。比丘乞食深入長者房。遂招譏謗。比丘白佛。佛云可作聲。警覺彼即呵呵作聲。喧鬧復招譏毀。佛制不聽。遂拳打門。家人怪問何故。打破我門。默爾無對。佛言應作錫杖。苾芻不解。佛言杖頭安環圓如鼓口。安小銀子。搖動作聲而為警覺。動可二三無人問時。即須行去。

△又要覽中云。若二股六環。是迦葉佛製。若四股十二環。是釋迦佛製云云。

【傳到瀏陽菴主】會元石霜諸章師後。避世混俗于長沙瀏陽陶家坊。朝遊夕處。人莫能識。後因僧自洞山來。師問和尙有何言句。示徒曰。解夏上堂云。秋初夏未云。師曰。何不道出門便是草。僧回舉似洞山。山曰。此是一千五百人善知識。語因茲。襄錐始。露果熟。香飄衆命住持。

△一統志瀏陽長沙府縣名。

【罰饋飯】克賓事跡見傳燈等。一妻子令人送錢。請轉藏經。師受施利了却。下禪牀轉一匝。乃曰。傳語。婆轉藏經已竟。其人回舉以婆。婆曰。比來請轉全藏。如何。祇為轉半藏。

【普會】會元石霜諸章證普會。

適意可謂頓忘身世絕俗幽緇無端禁足安居佛法朝朝在已剋期取證功行時時上心只知規矩襲人安得入流忘所衲僧家作得主把得定不被人謾且取功底句作麼生卓主丈一把香芻拈未暇六環金錫響遙空復舉洞山示衆云初秋夏末兄弟家東去西去直須向萬里無寸草處去傳到瀏陽菴主庵主云何不道出門便是草因此機感相投道播寰中徑山則不然忽有僧出辭只向他道秋暑尙炎擬整包笠何如此之速耶且道與二大老相去多少擊拂子醜婦顰眉次日上堂卓主丈一下云頂笠擊包雲外去

者回終不上龍峯又卓一下途中忽然撞著定上座被他當頭道箇不審備作麼生祇對他又卓一下不須頻勸酒自有解愁人又卓一下

謝都寺維那藏主知客侍者上堂挾紙衾歷重任慈明其責得人罰饋飯復游山興化求賢太急主賓相見未舉先知只如趙州繞禪牀又作麼生卓主丈莫笑國師門戶冷老來無力為三呼

上堂舉石霜普會遷化衆請首座住持虔侍者云先師道休去歇去一條白練去一念萬年去明甚麼邊事若會得則住持若不會則

大師

●【度侍者】會元石霜請法嗣瑞州九峯道度禪師福州人也嘗爲石霜侍者

●【高高峯頂立】會元李翱傳藥山曰太守欲得保任此事直須向高高山頂立深深海底行

不可座云明一色邊事度云未會先師意在座云裝香來香煙斷處若去不得則不會先師意香煙未斷首座脫去度拊首座背云坐脫立亡者則不無要會先師意猶未在師拈云一人高高峯頂立一人深深海底行不是與人難共住大都緇素要分明作麼生是分明底事卓主丈

中秋上堂僧問寒山子今夜見月因甚拊掌大笑師云眼裏著沙不得耳裏著水不得僧云今夜還有人發笑也無師云直饒笑裡有刀也須勘過僧云記得馬大師翫月次云正與麼時如何西堂云正好供養此意如何師

●【寸丁】丁當作釘

●【鬼脫卯】見寶林錄

●【玉字】月也見續輯

●【馬簸箕】正宗贊馬祖得法南岳後歸蜀鄉人喧迎之溪邊婆子云將謂有何奇特元是馬簸箕家小子

云寸丁入木僧云百丈云正好修行又作麼生師云地獄門前鬼脫卯僧云南泉拂袖便行此意如何師云只緣步驟太過不覺通身泥水僧云且道三大老下語還有優劣也無師云厭彩馬師多少僧云馬師又道經歸藏禪歸海惟有普願獨超物外又作麼生師云巖下風生虎弄兒僧禮拜師云禮拜則可師迺云玉字澄肅衆星掩耀尋常多是論三五惟有今宵分外明引得馬簸箕呼兒喚子縱而翫之直饒各逞危機畢竟出他影子不得莫有出他影子底麼出來下一轉語供養大眾不然山僧自道去也

【非實義】楞嚴三，但有言說都無實義。

【南天台】一統志，天台在浙江台州府故曰南，五臺在山西太原府故曰北。

【九疑】一統志在湖廣，永州府。泰山在山東濟南府，高四十餘里。華山在陝西西安府，高五千仞，云云。

【朝茅】莊齊物，狙公賦茅曰朝三而暮四，衆狙皆怒曰然則朝四而暮三，衆狙皆悅，名實未虧而喜怒爲用亦因是也。註茅，山栗也。一名橡子名，三與四也，實通七數也。名實未嘗變，但移易朝暮而衆狙喜怒隨之，此喻是非之名雖異而理之實則同，但能因是則世自無爭矣。

△越趨越不進貌。

【形影】文選三十七陳情表，羣子立，形影相弔，注曹植責躬表。

形影相弔。

【冷坐嵩少】一統志，河南府嵩山五嶽之中嶽也，其山三尖峯東曰太室，西曰少室，嵩其總名，少林寺在少室山北麓，後魏時建梁時達磨居此，面壁九年。

【委蛇】蛇，余支切，委蛇，委曲貌。詩羔羊註，自得之貌。

【患在】孟子曰，人之患在好爲人師。

【移衆僧單鉢】行狀，景定丁卯秋遷徑山，冬十月朝廷禱雪，賜綾牒貳拾道銀券等，一新僧堂浴堂行堂，次有朝廷降賜度牒，修造上堂，次下有千僧堂，上堂，自從咸淳戊辰之秋鳩工，至己巳六月一十日落成。

【大覺寮】大覺徑山衆寮，名後面解夏夜參，所謂登千僧閣，守被位上，大覺寮看飛雲是也。

傍註 虛堂和尚詩錄卷九

良集書院藏版

上堂舉馮山和尚問，仰山臨濟道，石火莫及，電光罔追，從上諸聖以何法示人，仰山云，和尚作麼生，馮云，凡有言說皆非實義，仰云，官不容針，私通車馬，馮云，如是如是，師拈云，是則是父子投機，如水入水，惟恐歲月已過，久而成弊，莫有救得此弊者，麼，卓主丈。

上堂未舉，先知未話，先領南天台北五臺，則可若更說九疑秦華相高，有殊則未可也，衲僧家朝山暮水，滿眼塞耳，覓什麼佛法，玄妙不然，朝茅暮茅，喜怒在爾。

圓覺大師第十二忌，拈香西天末葉，東土初枝，越趨梁魏，兮形影相弔，冷坐嵩少，兮路徑

委蛇將謂單傳直指，誰知一握亂絲，罵底恨底，患在爲人之師，今則枝枯葉隕，敷茂何期，有屈明明，無雪處，臨風只可自噓戲聊，陳菲供來，兮鑒諸。

開爐移衆僧單鉢，歸千僧閣，上堂建大厦，非鉅材難以任重責安，廣衆非海量難以納衆流，從頭改作，赤手變通，大覺寮不許重鑰案，櫃千僧閣，只排三百餘單，但得爐中之火，有種自然，暖氣相洽，既是千僧閣，因甚只安三百單，卓主丈。

書雲夜參，僧問北禪烹露地白牛，洞山撥退，秦首座果卓，此意如何，師云，闔貧不闔富，僧

●【優則同優】如仰山所謂勝即
挖勝負即怨負之意事見臨濟錄

●【鐵酸醜】字彙錄餅中豆也見
與聖錄

●【虛室生白】莊人間世瞻彼閨
者虛室生白註此以虛室喻心也
謂視彼密室之中雖有空缺處必
有光入來是光自空中出也以彼
之關喻我之虛則見虛中自然生
明生白即生明也不曰生明而曰
生白此莊子之奇文也即此虛明
之地便是萬物之所由萃
●【毛頭】正燈應庵錄註毛頭星
惡星也

云還有優劣也無師云優則同優劣則同劣
僧云只如徑山今冬果子貴將什麼與諸人
分冬師云鐵酸醜僧云恁麼則勝他北禪洞
山多矣師云合取狗口僧云學人來夜果子
還有分也無師云獨有備無分僧云謝和尚
果子師云家賊難防
師乃云六爻未動一氣潛回不萌枝上擬抽
條無影樹頭先破萼壺中日暖虛室生白佛
法撥在鼻尖頭流水有誰彈古調此是時節
因緣只如指呼凡聖號令人天獨步大方為
世眼目還有遷變也無卓主丈夜半起來屈
膝坐毛頭星現衲僧前

●【玉泉】見續編
△布衲見報恩錄

●【蟪蛄眼裏】事見與聖錄會元
馬祖法嗣中邑恩曰譬如蟪蛄蟲
在蚊子眼睫上作窠向十字街頭
叫云上曠人稀相逢者少

●【須彌髮業】須彌見前髮業山
高貌

●【久默斯要】法華文見前

●【芭蕉】南塔涌法嗣見前

●【真淨】黃龍南法嗣見前

復舉玉泉皓和尚示眾仲冬嚴寒布衲赫赤
不是不洗無得替換拈云皓布衲久貧乍富
向蟪蛄眼裏開張世界出來三叉路口大叫
一聲道士曠人稀相逢者少會得笑領取去
不然來夜請首座為諸人品題
上堂無中取有短處求長是備衲僧針孔線
蹊邊事備若不受人謾縱一機則須彌髮業
奪一境則海水騰波直饒縱奪可觀猶是諸
方撥牌交割底徑山久默斯要不敢預聞
上堂舉芭蕉和尚示眾云備有主丈子我與
備主丈子備無主丈子我奪備主丈子真淨
和尚云備有拄杖子我奪備拄杖子備無拄

◎【好雪片片】屬居士語見碧巖
◎【世尊】出大梵王問佛決疑經見眼目

◎【波羅華】優鉢羅此云青蓮華見名義百華編

杖子我與爾拄杖子師拈云請各放下者主
丈子且道三轉語還有優劣也無擊拂子
朝廷祈雪上堂師云好雪片片不落別處有
僧出厲聲云落在甚麼處師云莫作楊花柳
絮飛進云世尊說法大梵天王以金色波羅
花獻此意如何師云錦上鋪花又一重僧云
世尊拈起顯示大眾惟有迦葉尊者破顏微
笑又作麼生師云物見主眼卓豎僧云世尊
云吾有正法眼藏分付摩訶大迦葉此意又
作麼生師云黃金檐子千鈞重僧云今日和
尚說法忽有人獻花未審如何顯示師云洞
中春色人難見僧云只如

◎【瑞雪】祖英集賦瑞雪送程大
師事苑註屬公瑞春為英

◎【六花】六出花見前

◎【普賢境界】白銀世界也

◎【金色真人】迦葉尊者乎

◎【瑤池】神仙傳崑崙閻闔風苑
有玉樓十二玄室九層左瑤池右
翠水環以弱水九重

△詹同文桃花馬圖詩千歲蟠桃
花正新瑤池阿母宴青春

◎【度牒二十道】統紀會要志宋
大祖出家求度策試經業闕祠部
給牒本朝舊儀見元享釋書等道
通之義

◎【好還】老子以道佐人主章其
事好還

萬乘帝君深信此道遠降御香祈求瑞雪應
禱一句作麼生師云和氣兆豐年僧云與麼
則難逃化育師云知恩者少
師乃云六花現瑞普賢境界全彰三白應祈
金色真人避席頓使乾坤一色草木呈祥平
原二麥鬱然可觀海豎山椒咸霑聖澤無為
願廣恩大難酬不須江路野梅香雪裏一枝
斜更好時康物阜天清地寧
恭謝畢復云憂民恤物歛天威坐斷乾坤肅
四夷先放臘梅凝瑞雪次教春色到瑤池
朝廷降賜度牒二十道入常住修造上堂僧
問徑山古剎屋老僧殘天意好還兩蒙宣

賜學人上來願聞法要師云人人鼻孔遼天
箇箇感恩戴德僧云記得馬大師因僧問如
何是祖師西來意馬師云備道什麼何不近
前來此意如何師云漫天網子百千重僧云
者僧近前後舉前話被馬大師一脚踏倒起
來呵呵大笑道百千妙義無量法門盡向一
毫頭上識得根源復呵呵大笑又作麼生師
云乞兒拾得錫僧云今日忽有人問和尚如
何是祖師西來意未審作麼生答他師云雪
後諸峯畫不如僧云學人今日小出大遇師
云備得箇什麼僧便喝師云金毛獅子
師乃云山鳴谷應風起水涌此皆時節因緣

①【非一毫而莫取】前赤壁賦且夫天地之間物各有主苟非吾之所有雖一毫而莫取惟江上清風與山間之明月云云

②【伐木丁丁】詩註丁丁伐木聲

③【崇堂】崇堂謂千僧閣等

④【鴻休】鴻洪相通大也休美也

⑤【年垂九十】後面千僧堂上梁上堂末咸淳戊辰之秋鳩工至己巳六月十一日落成考行狀其年十月七日入寂春秋八十五歲也

⑥【格】大學註至也

⑦【日月乃至帝居】陳后主詩也

⑧【茶湯】見清規住持章

⑨【過廛】勤通作廛

⑩【片雲橫谷口】見淨慈

非一毫而莫取伐木丁丁於峯頂僧牒遠降
於中天戴德日新際遇特異崇堂從茲易舉
皇恩難以報稱誓勤禪誦仰答鴻休凡所見
聞悉皆妙證

恭謝畢復云年垂九十礙叢林歷盡風霜歲
月深妙蘊豈能超佛祖寸衷端可格天心
月且上堂兼謝紫巖長老僧問日月光天德
山河壯帝居學人上來請師祝聖師云巢知
風穴知雨僧云今月精嚴和尚到來如何祇
接師云茶湯畢送歸客位僧云恁麼則禮遇
過廛師云備不得來者裏簸弄口觜僧云記
得茲明因泉大道來訪明云片雲橫谷口游

●【白雲澹泞】忠國師上堂青蘿黃綠直上寒松之頂白雲澹泞出沒大虛之中高法本開而人自關
 △事苑雪竇後錄作忠國師碑文
 △杜甫朝享太廟賦元澤澹泞乎無極

●【天目】續傳燈滅翁文禮杭之臨安人家天目山之麓又號天目
 ●【子陵灘】後漢書嚴光傳云嚴光字子陵一名遵會稽餘姚人也少有高名與光武同遊學及光武即位光乃變名姓隱身不見帝思其賢乃令以物色訪之云云
 △大明一統志四十一嚴州府七里灘在相廬縣西一名嚴陵灘即漢嚴光垂釣處

人何處來泉云夜來何處火燒出古人墳此意如何師云踢天弄井得人憎僧云慈明又云未得更道泉便作虎聲又作麼生師云錢出急家門僧云只如和尚今日離却言句如何與人相見師云爛熳葛藤拽不斷僧云且喜領話師云逆耳之談

師乃云起處精銳東山正脉潛通振領森嚴松源家法猶在去也白雲澹泞出沒無拘住也古栢凌霜歲寒不變且不約而會一句如何付囑卓主丈但思天目塔休話子陵灘除夜小參僧問門前爆竹通消息何必重新舉話頭師云刺腦入膠盆僧云灰寒火冷歲

●【釘桃符】風俗通東海度朔山大桃蟠屈數千里卑枝向北曰鬼門有二神曰神荼鬱壘主領衆鬼黃帝因立桃板門畫二神以禦凶鬼

●【擲擲】事文文章都王霸傳市人舉手耶擲
 △世說羅友家貧乞祿于桓溫曰臣昨中路見一鬼擲擲曰我只見汝送人作詳云云

●【打驅儼】困學紀聞天道月令凡二難一以季春一以仲秋鄭康成謂陰氣右行季春之中日行歷昴陽氣左行仲秋之月宿直昴畢昴有大陵積尸之氣伏則厲鬼隨面出行於是索室驅疫以逐之王居明堂禮日季春出疫于郊以攘春氣仲秋九門磔攘以發陳氣禦止疾疫然則民之疾係乎日星之行度古者聖君範圍於上賢相變理於下是為天地之良醫皇建有

律告闌如何是交接頭句師云家中無怪兆何必釘桃符僧云老和尚有福改觀徑山師云窮鬼擲擲僧云記得楊岐和尚因除夜看打驅儼謂湘中端上人曰汝一籌不如他此意如何師云垂絲千尺不釣凡鱗僧云其僧曰何謂也楊岐云他要人笑爾怕人笑其僧當下頓忘知見還端的也無師云鵲臭布衫須脫却僧云徑山除夜只看百戲學人忽然悟去誰為證明師云空掃堆頭更加埽埽僧云和尚滿口贊歎學人師云劒戟齒牙師乃云老不禁寒山邊水邊曝日春歸閩苑長底短底從新笙歌叢裏賀年朝錦綉筵中

極，五福錫民，莫不壽考，且事雖所以存愛民之意而已，又見三體宮詞。

△湘中白雲瑞，衡陽人，又名湘東郡，瀟湘帶其左，故曰湘中。

●【登掃及培壘】坊或作登，父物切，塵也。

△墟壘，廣韻作墟，養也，上鳥合切，下私查切。

●【四達】莊，知北遊，其來無迹，其往無崖，無門，無房，四達之皇皇也。註四達皇皇，言太虛之間，人之室居，則有門有房太虛之間，但見其皇皇之大，豈知其所從入從出者乎。

開壽域，衲僧門下別有條章，每日蒙頭打坐，不知歲月易遷，直饒撈著不來，誰展鉢盂喫飯，恁麼會去，見前儻侗真如，苟或不然，且臘月三十夜，一句又作麼生，卓主丈，老樹臥波，寒影動，野煙浮草，夕陽昏。

復舉瀉山和尚山下有一菴主，仰山去驗他，云：山中和尚道，許多人祇得大機，不得大用。庵主以謂如何，庵主云：再舉看。仰山復舉被庵主攔胸一踏，仰山歸舉似瀉山，山呵呵大笑，拈云：瀉山呵呵大笑，是笑，仰山是笑，菴主明得，方知者一踏有落著處。正且上堂，四達皇皇，無邊無表，因甚有新有。

●【漢陽】會元洞山聰傳，問古鏡未磨時如何，師曰：此去漢陽不遠，日磨後如何，師曰：黃鶴樓前鸚鵡洲。

△一統志：黃鶴樓，鸚鵡洲，在武昌府，府又名鄂州，與漢陽府，其間五里或七里，故云不遠。

●【圖一】徑山，開山也。

舊會得，此去漢陽不遠，不然黃鶴樓前鸚鵡洲。

謝兩班，上堂龍象交參，主賓互換，叢林茂盛，兩序得人，國一禪師出來，呵呵大笑，不覺打失鼻孔，因甚如此，懽喜而得之。

元宵上堂，僧問：一燈然出，百千燈，燈燈相續，且道者一燈從何而出，師云：平生不曾與人述，朱僧以坐具打圓相，莫是自者裏出，麼師云：弄光影，漢僧云：若是做工夫底，衲子箇箇便知落著，師云：備還知落著否，僧云：學人大似暗中拾物，師云：備是探頭山裏人，僧禮拜，云：謝師答話。

●【尼師】名義服相，或尼師但那，此名坐具，或云隨坐衣云云。
 ●【一鐵】歸宗常，願見傳燈二十九。

●【蘇武】見蒙求中。

●【第十三】類聚尼女部云：第十三娘，年十二歲，時隨師姑到嶺山云云。

●【南臺江】一統志：福州府有南臺江。

師乃云上元新節處處燒燈，都城巷陌市鄣邸店觀者如堵，惟復燈來眼底，眼到燈邊，會得方是觀燈人，其或未然，多向暗地裏走。謝馬安人捨僧堂禪牀四十座及尼師上堂僧問：如何是祖師西來意？師云：一鐵破三關，分明箭後路。僧云：有。僧問：趙州如何是祖師西來意？州云：庭前栢樹子。此意如何？師云：爲人方便勝修行。僧云：有。僧問：雲門不起一念，還有過也無？門云：須彌山。又作麼生？師云：蘇武持漢節而歸。僧禮拜。師乃舉鄭十三娘隨一尼上嶺山。山云：師姑在什麼處住？尼云：南臺江邊住。山便喝出却。

●【備須脫下裙衫】類聚作脫取裙衣，來而無備須二字。
 ●【古人道】見立僧普說。
 ●【初地菩薩】初歡喜地等，詳四教集解下。
 ●【將此身心】楞嚴三阿羅漢證佛之偶，身作深。

云背後老婆子向什麼處住？十三娘叉手近前而立。嶺山再問：十三娘云：早箇呈似了也。山云：去。二人至法堂。尼云：十三娘尋常道我會禪，口如利劍。今日被大師問總無一言可答。十三娘云：苦哉苦哉，作者般眼目也。道我行脚備須脫下裙衫，與十三娘著。拈云：古人道：肯重不得全，尙被人檢點。何況未忘已見念他初地菩薩，不欲徵之。

佛涅槃上堂僧問：將此身心奉塵刹，是則名爲報佛恩。師云：只備一箇是五逆兒孫。僧云：世尊臨入涅槃，以手摩胸，普告大衆：汝等善觀吾紫磨金色之身，今日卽有明日，卽無瞻。

【新眼】字彙，音虎

【三臺】事物紀原三十拍曲也
△劉公嘉話錄曰三臺送酒蓋因
北齊文宣毀銅雀臺別築二箇臺
官人拍手呼上臺因以送酒
△李氏資暇曰昔鄆中有三臺石
季龍遊宴之所樂工造此曲促飲
也

△尙書三日之間歷三臺
△樂府以豔晚音律製此曲以悅
之未知孰是

【葛藤樁子】武庫雲居舜老夫
常讀天衣懷禪師說葛藤樁一日
開懷遷化於法堂上合掌云且喜
葛藤樁子倒了也

△樁都江切樞杙也

【天下太平】如雲門拈佛誕生
云貴圖天下太平

【輕輕薄薄】法華勸持品惡世
中比丘邪智心諂曲未得謂爲得

我慢心充滿

【慧超】見碧巖第七則評

【節籃】節浦口切竹筐藍大籠
也

【濫觴】家語三恕篇夫江始出
於岷山其源可以濫觴及其至于
江津不舫舟不避風則不可以涉
非唯下流水多邪註觴可以盛酒
言其微

【末世衆生云云】圖覺經淨諸
業障章文母彼作無

【心憤憤口俳俳】語述而子曰
不憤不啓不排不發註憤房粉反
俳芳匪反憤者心求通而未得之
意俳者口欲言而未能之貌啓謂
開其意發謂達其辭

【品藻】事苑瀑泉西漢注品其
差次以藻飾文質

【凌鏢】鏢式灼切銷金也

【司馬】谷詩十三萬事稱好司
馬公註世說載司馬徽別傳曰徽

仰取足毋貽後悔此意如何師云臨崖看滄
眼特地一場愁僧云如是人天大衆悉皆垂
淚惟有波旬踊躍歡喜又作麼生師云甜瓜
徹蒂甜苦瓠連根苦僧云且道波旬是誰弟
子師云是佛弟子僧云既是佛弟子因甚麼
却踊躍歡喜師云三臺須是大家催僧云今
日忽有箇漢出來助哀又作麼生師云非吾
眷屬僧禮拜
師乃云葛藤樁子既倒且喜天下太平此是
末世比丘佛忌禪語輕輕薄薄以我慢爲宗
還知大覺世尊金棺未舉已前事麼卓主丈
上堂舉僧問法眼云慧超咨和尚如何是佛

法眼云汝是慧超雪竇和尚頌云江國春風
吹不起鷓鴣啼在深花裏三級浪高魚化龍
癡人猶辱夜塘水拈云法眼其實啓迪者僧
猶有說不盡底法有問徑山如何是佛只向
他道爾將節籃擔水繞須彌山千百匝自謂
無一滴子狼籍猶未向汝道在何故佛之一
字豈可濫觴

上堂末世衆生希望成道母令求悟惟益多
聞增長我見心憤憤口俳俳品藻當代凌鏢
先德欲得把茅蓋頭如水火之急擬要出來
宣發平時妙蘊啓迪後昆殊不知有明眼者
存焉虛堂耄矣無力與之明辯但如司馬稱

字德操括囊畏慎人有以人物問
徵者初不辯其高下每輒言佳其
婦諫之徵曰如君所言亦復佳
△又翰墨全書司馬微字德操清
雅有知人之鑑龐德公謂為水鑑
每事稱好

◎國師國師即鹽官齊安國師
也見寶林錄

好而已何也有勢儘教從地起更高無柰有
天何
聖制夜參僧問衲僧三月安居九旬禁足明
甚麼邊事師云古祠無土偶異域有幽人僧
云若如是則一夏無虛棄之功師云藏身露
影僧云國師侍者處索犀牛扇子意旨如何
師云因風吹火僧云侍者云扇子已破了也
國師云扇子既破還我犀牛兒來又作麼生
師云老倒無端入荒草僧云投子道不辭將
出只恐頭角不全此意如何師云子期去後
無消息僧云雪竇云我要不全底頭角師云
終出他影子不得僧云謝師答話師云無人

◎「斫額」見碧巖七十一以手遮
擊於額也慈明傳斫手望扶桑
◎「據菩薩乘」圓覺經圓覺章至
安居日即於佛前作如是言某甲
踞菩薩乘修寂滅行云云
◎「鐵船水上浮」會元居士傳
偈云護生須是殺殺盡始安居會
得箇中意鐵船水上浮
◎「拈」託協切安也
◎「欽山」本傳欽山江西到一茶
店喫茶云云

處斫額望汝

師乃云今夏聚集四方衲子據菩薩乘修寂
滅行九十日內孜孜矻矻不敢妄有走作一
日忽見鐵船在水上浮又不可謂之怪力亂
神當自體拈之若體拈得去不孤先聖所立
期限末後收功苟或未然咄終不一向與人
解註

復舉欽山同巖頭雪峯行脚會茶次欽山云
若不解轉身通氣不得喫茶巖頭云若恁麼
我斷不得茶喫雪峯云某甲亦然拈云親師
擇友之難古之今之欽山方致薄禮便有人
動他座子徑山則不然但有來者便請高挂

●【百鳥獻花】牛頭，緣也，見前

●【藏之】語用之則行，舍之則藏，見延福錄。

●【僧堂施設】行狀，一新，僧堂等區區，工役中，猶屬，未無怠。

●【普同作禮】見清規結制，禮儀下。

鉢囊飽喫了，常住茶飯一任看山，看水，恁麼過切，不得漏泄，何故？卓主丈恐百鳥獻花無路。次日上堂，百丈清規，千古洪範，藏之則虛空絕跡，用之則網令森嚴。徑山雖則義氣薄雲，爭柰未有僧堂施設。且今夏聖制如何，講明卓主丈云：下座普同作禮，不到諸寮拜白。謝秉拂夏齋，上堂僧問：記得僧問雲門如何，是諸佛出身處？門云：東山水上行。此意如何？師云：舌頭不出口。僧云：圓悟云：若是天寧，則不然，如何是諸佛出身處？只向他道：薰風自南來，殿閣生微涼。又作麼生？師云：也不較多。

●【財法二施】見頌古，甘貧施財話。

僧云：大慧聞得便悟去。又作麼生？師云：拚箇渾身入地獄。僧云：今日忽有人問和尚，如何是諸佛出身處？未審如何？答他。師云：三叉路口，少人知。僧禮拜云：謝師。答話。師云：椎空聽響。師乃云：財法二施等，無差別。因甚？北路山高，南路山低，會得一句子，如沾甘露，毛骨頓清。投得一筋子，如飲醍醐，群心飽德。徑山傍若無人，二俱不受，何故？卓主丈寒懷晚歸，桑柘塢短籬無主，自開花。上堂舉無盡張丞相與玉泉布衲皓和尚夜話無盡云：洞山初老也，甚奇怪。道五臺山頂

①【塔前狗尿天】見武庫拾遺錄。次句云，刹竿頭上，煎鑊子三箇，胡孫夜籠籠。

②【滂澎】字彙，滂與澎同。說文，滂，沛也。滂沛，雨盛貌。澎，水貌。或作滂。

③【河目海口】嘉話，洛人陳去非，河目海口，大耳聳時，識者知其為貴也。徽宗時，為參知政事。

雲蒸飯，佛殿塔前狗尿天。要明法身，皓云也。有甚奇特，它只頌得法身邊事，不頌得法身向上事。無盡操，蜀音云，如何是法身向上事，皓急呼紙未至，就金漆卓上大書云，一夜雨，滂澎打倒葡萄棚。知事普請行者人力，柱底拄撐，底撐撐拄拄，到天明依舊，可憐生擲筆大笑，無盡為之。入石師拈云，盡謂二大老，縱無礙，辨明殺活機，殊不知慧劍相持，各有優劣。

④【草烏頭半夏子】共下品而有毒。烏頭有二種，川烏頭，艸烏頭，云云。烏頭半夏，詳本草十七。

⑤【世尊因地】出瑞應等見四教集解三阿僧祇下。

⑥【一頭地】蘇軾嘉祐中歐公考，試見公文語。梅聖俞曰，老夫當避此人，一頭地。

二境相需去，忽有箇衲僧出來，道直饒理事雙泯，也是藥病相治。山僧道，備是草烏頭半夏子，待他擬議，拈主丈便打。

千僧堂上梁，上堂僧問記得世尊因地布髮，掩泥獻花，於然燈佛。此意如何？師云，焦磚打著，連底凍僧云，如是然燈佛指布髮處，云此方宜建一刹，又作麼生？師云，事因叮囑起，僧云，會中有賢于長者，持標插於指處，云建梵刹已竟，此意如何？師云，神駿不勞鞭影，僧云，祇如和尚崇建千僧堂，還與賢于相去多少？師云，高出他一頭地。僧云，恁麼則諸天散花，贊歎有分。師云，歸依佛法僧禮拜，師云，吽。

①【神功遜宅】神龍遜宅，於開山

圖一禪師見徑山，前錄初。

②【大覺】大覺，寮名見前。

③【一萬指】言行錄，張九成云云，

公與徑山，主僧宗果為莫逆，交時

繙流之赴，宗果者，二千餘衆，徑山

雖巨刹，至無所容，宗果更數千僧

開以居之。

④【改作】語先進，閔子齋曰，仍舊

貫如之何，何必改作。

⑤【風雲】易所謂雲從龍，風從虎。

⑥【六龍】易時乘六龍以御天。

⑦【五鳳】前漢何武傳，宣帝時天

下和平四夷賓服，神爵五鳳之間，

屢蒙瑞應，注五鳳，宣帝年號。

⑧【咸淳】咸淳，宋度宗年號，戊辰

即四年也。

△書堯典，共工方鳩僝功，註共工

官名，方且鳩聚，僞見也。

⑨【黑氏梵志】名義集外道篇，婆

羅門，註諸經中，梵志，云即同此名。

正翻淨裔，稱是梵天苗裔也，此緣

詳一覽臨終品。

⑩【無生法忍】忍，即忍可，亦安忍

也，思益經云，梵天菩薩有四忍法

善，出毀犯禁戒之罪，一謂一切諸

法自性空寂，本來不生菩薩證知

此法，則能超出毀犯禁戒之罪，是

為得無生忍。

⑪【甕裏走却鼈】武庫徐師川同

佛果，到書記寮，見果頂相，師川指

云，這老漢脚跟未點地，在果云甕

裏何曾走却鼈。

△又大慧傳，甕裏怕走却鼈，那

⑫【九旬乃至入籠】古德頌，見前

⑬【生煞盡時】護生，須是殺殺盡

始，安居云云見前。

吽

師乃云神功遜宅，大覺開基，六百年興廢異

常，一萬指栖身屋老，從頭改作，特地新條，乘

時操鐵石之心，談笑際風雲之會，六龍起舞

五鳳爭高，不須立石紀功，祇此見聞不昧，忽

有箇出格道流出來，道虛堂老子是，則是以

幻修幻，有何妙理，遽然成此器業，山僧只向

他道，自從咸淳戊辰之秋，鳩工至己巳六月

一十日落成。

上堂舉世尊因黑氏梵志擊合歡梧桐花，獻

世尊云放下著梵志放下，左手梧桐花，世尊

又云放下著梵志放下，右手梧桐花，世尊復

云放下著梵志云我今兩手盡空，未審放下

箇什麼，世尊云備放下，外六塵內六根中六

識，是備免生死處，梵志當下悟無生法忍，師

拈云世尊畫蛇添足，當時待他道我今兩手

盡空，未審放下箇什麼，祇向伊道備放不下

擔將去，若下得者，一轉語，東土初僧不如西

天外道。

解夏夜參僧出衆云今夜小參不問話，師云

甕裏何曾走却鼈，僧問九旬禁足魚投網，三

月安居鳥入籠，生煞盡時蚤作繭，如何透得

者三重，此意如何，師云一槌擊作百雜碎，僧

云若恁麼性燥，衲僧無出和尚師云適之主

【新婦騎驢】小補婦謂姑爲阿家，或爲大家，家音姑。

△正宗贊首山章，僧問如何是佛，曰新婦騎驢阿家牽，曰此語甚句中收，曰三玄收不得，四句豈能該，曰此意如何，曰天長地久日月齊明。

【向來乃至神州】此兩句出偈頌，觀山水圖中。

丈子不在手，僧云如何是九旬禁足魚投網，師云新婦騎驢阿家牽，僧云如何是三月安居鳥入籠，師云向來披岳頂，今已遍神州，僧云如何是生煞盡時蚤作繭，師云語是心苗，僧云記得洞山和尚示衆云，秋初夏末兄弟家東去，西去，直須向萬里無寸草處去，此意如何，師云鷺鷥股裏多割肉，僧云後來有僧舉似瀏陽菴主菴主云，何不道出門便是草，又作麼生，師云秤尾星邊較重輕，僧云洞山聞得，乃云大唐國裏能有幾人爲復，是肯他，不肯他，師云買帽相頭，僧云只如新建千僧

【波波挈挈】波當作跋，挈爲單挈，不貝足，貌見與聖錄，解夏小參。
【越】書堯典若，註曰，粵越通。
△古文作粵，曰若，若發語辭。
△周書越若來，三月云云，亦此例也。

【威音王】法華常不輕品，往古有佛名威音王。

堂已自畢工，兄弟家還有東去西去底，麼師云臨時包裹，僧禮拜師云須是如此始得，師乃云入夏以來並無做工夫，底時節每日只知登千僧閣，守被位，上大覺寮，看飛雲，波波挈挈過了九旬，雖然如是，直饒七佛出來也，覓他起處，不得時臨自恣，繩頭子越自把得緊，何故，蓋他是明眼衲僧，終不肯小小結果著。
復舉黃檗在南泉會中爲首衆，一日捧鉢向南泉位中坐，南泉入堂問長老甚麼，年中行道，檗云威音王已前，泉云猶是王老師兒孫，下去，檗於第二位坐，雪竇拈云可惜王老師

【三絨】家語，觀周孔子觀周遂入太祖后稷之廟，廟堂右階之前有金人焉，三絨其口，註三重封其口。

【不洗塵】類聚沐浴石梯禪師一日侍者請師入浴，師云既不洗塵亦不洗垢，浴作甚麼者云請和尚先去，某甲將皂角後來，本見楞嚴石梯，嗣葉莫。

【耽源】見頌古。

只見錐頭利，我當時若作南泉待，伊道威音王已前便於第二位坐，使黃檗一生起不得，師拈云明覺一代龍門針筍，古今凌跨前作，是則是順水張帆，若恁麼其師法何在，次日上堂追大鵬於藕絲窠中，納須彌於蠅螟眼裡，此是衲僧家九十日內遊戲法門，今朝解開布袋，且收功，一句作麼生，卓主丈，玉字澄肅巖壑生秋，謝維那知客浴主侍者，上堂一槌未舉，驚羣聽，綱令清嚴，三絨纔啓，驗來賓頂門眼活，只如不洗垢不洗塵，畢竟洗箇甚麼，卓主丈，耽源侍國師之久，必能知之。

【早魃】詩雲漢早魃為虐，如焚如燬，早神也。

△神異經南方有人長二三尺，袒身而目在頂上，行走如風，名曰魃，所見之國大旱赤地千里，一名格，遇者得之投酒中乃死，旱灾消也。

【甘霖】詩甫田以術田祖以祈甘雨，以介我稷黍，霖梁元纂要雨久曰苦雨亦曰霖雨。

【九野】呂氏春秋天有九野，地有九州，註八方中央也。

【昇平】昇通作升，前梅福傳民有三年之儲曰升平。

【稷稷】語八佾天子稷稷，註稷稷深遠之意，天子之容也，中正即君子之所處也，如易九五爻。

【明禋】書洛誥，佅來，恭股乃命，享予以秬鬯，二卣曰明禋，拜手稽首，休享，註此謹恭股民而命享，周公也，拒黑黍也，一稗二米和氣，所生，禮金香艸也，卣中尊也，明潔。

卓主文明禋大禮，杲日麗天。

朝建祈雨，上堂問答罷，師云神本不靈，敬而禱之，則靈，敬而禱之，既靈，則便能搏虛空，於掌上驅早魃，於天隅布雲霧，於四郊注甘霖，於九野漁歌煙浦，咸稱富足之年，樵唱雲村，共樂昇平之化，然雖如是，且君臣慶會，一句作麼生，卓主文明，明生下穆穆當中，朝廷明禋大禮，祈晴上堂問答不錄，師云天地之大，以孝為本，聖人立教，以禮為先，以孝為本，則感天地動鬼神，以禮為大，則享上帝，敬祖宗，以致斡旋造化，密運樞機，月滿長空，雲收嶽面，此猶是轉句作麼生，是奇特一句卓主文明，明禋大禮，杲日麗天。

禮敬也以事神之禮事公也
●【天地之大】中庸云天地之大也人猶有所憾故君子語大天下莫能載焉云云

△以孝為本見孝經
△以禮為先見論語

●【則享上帝】中庸云郊社之禮所以事上帝也宗廟之禮所以祀乎其先也

●【轉句】烏括切旋也

●【轉句】雲門云山河大地無絲毫過患猶是轉句直得不見一色始是半提

●【折合還歸】洞山五位頌兼中到不落有無誰敢和人人盡欲出常流折合終歸炭裡坐大慧云兼中到謂兼前四位皆挾妙而歸正位謂之折合歸來炭裡坐亦是說黑處而回互黑字不道黑而言炭詳人天眼目

●【以炭】丹霞淳五位序云借黑

中秋無月上堂僧問長沙與仰山翫月次仰山云人人盡有者箇為甚用不得此意如何師云輸機是筭人之本僧云長沙云恰是債備用看又作麼生師云無文印子胡亂搭僧云仰山云備作麼生用被長沙一脚踏倒起來云師叔直下似箇大蟲還端的也無師云未是性燥漢僧禮拜師云短處求長乃云金色世界人見月必喜為它坐在淨潔地上始終脫不得洞山云折合還歸炭裏坐蓋曹洞宗旨以炭謂之正位會得方檢點得馬大師不然一併轄向炭庫裏坐上堂靜之極不知動則虛動之極不知靜則

權正假白示偏

●【靜之極】誌公大乘讚云動靜兩亡常寂自然契合真如

●【匹栗斯】舊說匹當作巨波斯斯乎

△西域記波斯國註舊曰波斯略也波斯翻大秦見頌古

●【青橄欖】本艸果部橄欖下云此果雖熟其色亦青故俗呼青果△又云橄欖生嶺南又有一種波斯橄欖生邕州云云

●【入門便拆却】正宗贊德山章師凡住院拆却佛殿獨存法堂而已

●【五十搭】見育王錄

●【教】果敢也

應動靜一律妙乎中道衲僧家得此三昧攪長河為酥酪變大地作黃金未為分外不然卓主丈匹栗斯喫箇青橄欖開爐并翻蓋佛殿上堂僧問德山入門便拆却和尚入門重建一新此意如何師云汝纔入門先穿却汝鼻孔僧云恁麼則各立門風去也師云低聲低聲墻壁有耳僧云此事且止記得趙州示衆云我三十年前在火爐頭說箇無賓主話此意如何師云投以五十搭舉臂釣滄海僧云如何是賓主話師云鈍鳥籬邊毅不去僧云可謂冷眼箇中看火色祖師心印為親傳師云果然跳不出僧云趙州

●【孫臏】見報恩錄

道無賓主話至今無人舉著又作麼生師云
孫臏放癡僧云今日徑山開爐還許學人議
論也無師云斬釘截鐵未是作家
乃云有雪有霜有寒有煖四時遷謝變化不
同山僧今年八十五骨冷如冰纔聞煖字舉
手而謝之何故免得老來桃灰弄火

虛堂錄卷九終

偈頌

●【啞噉】類聚肢體部作啞啄
●【都知】事物紀原環術中貴部
宋朝會要曰國初有內中高品都
知押班今置都都知副都知並在
景德三年五月云爾然則其官自
國初始也
●【繳奏】繳吉了切繼也劉向別
錄繳紛爭言
●【撥賜】挨開也轉之也治也理
也
△國語王耕一撥云云注撥發上
也
●【集慶】通鑑志宋理宗紹定二
年詔法照法師住下天竺尋遷上
天竺補右街監義賜佛光法師進
錄左街賜金襴袈裟召見倚桂閣
對御稱旨時集慶寺新成有旨命
法照開山力辭舉日蓮觀主南峯
誠法師以代明年誠公入寂詔佛
光兼住持轉左右街都僧錄御書
晦岩二大字賜之云云

師入淨慈陞座問答罷忽天使踵門
傳奉聖旨問趙州因甚八十行脚虛堂
因甚八十住山師乃就舉趙州行脚一
日到臨濟方濯足問臨濟問如何是祖
師西來意州云恰值老僧洗脚濟近前
作聽勢州云會則便會啞噉作麼濟歸
方丈閉却門州云老僧八十行脚今日
却被者驢子撲轍成一頌天使楊都知
繳奏龍顏大悅特賜米五百碩絹一百
緜開堂安衆續以糧食闕典僧堂弊漏
敷奏伏蒙

△佛光嗣臺宗北峯見前，偶頌誠公師弟見統紀十七目錄。

●【如意】要覽梵云阿那律，秦言如意，指歸云古之爪杖也，或骨角竹木，刻作人手，指爪柄可長三尺許，或脊有痒手，所不到用以搔抓如人之意，故曰如意。

●【天澤庵】在徑山即師之所創也，見行狀。

●【三生】勝覽杭州部天竺寺在北山靈隱天竺兩山由一門而入，△坡四過永樂文長老已卒詩云欲向錢塘訪圓澤，為洪川畔待秋深，註李源居洛師慧林寺與僧圓澤遊甚密，一日相約遊青城峨眉舟次南浦見婦人錦襦而泣者，澤泣謂源曰婦人孕三歲矣吾當為之子無可逃者後十二年中秋月夜杭州天竺寺外當與公相見至暮澤亡而婦乳源後自洛適吳至所約聞為洪川畔牧童扣角而歌。

曰三生石上舊精魂，賞月吟風不要論，慙愧情人遠，相訪此身難，異性長存云云。

△名藍圖杭州中竺寺有三生石葛洪丹井等境。

●【監丞】事文諸監部監丞太府監之屬官也職略太府掌邦國之出入而丞屬分治衆務。

●【藥簞】老子天地之間其猶藥簞乎，註簞者藥之管也，用而風生焉，天地之間其生萬物也亦然，詳徑山錄。

●【膾】膾亦作膾羊臠也。

●【蹈火】莊達生列子問關尹曰至人潛行不窒蹈火不熱云云非今義。

●【巖翁】巖翁指寒山名藍圖天台山教忠寺有寒山巖或云寒巖。

●【來知客】續傳燈大川濟法嗣天童石門來云慈峯乳竇在四明乳竇在奉化縣慈峯在鄞縣東。

聖恩撥賜水田歲收租三十餘石並免官稅仍頌降楮券一十萬貫重蓋僧堂

頌云

趙州八十方行脚虛堂八十再住山別有一機恢佛祖九重城裏動

龍顏

寄集慶開山

如意來尸釋梵宮雨花狼藉濕春風自慚老矣無靈骨日在深雲聽講鐘

賡靜學林府判游天澤菴韻

古道兼禪到躬行得幾年乾坤資定力心月鑑前緣一靜人難學三生話未圓老來重有

約不在北山邊

答洞陽居士麋監丞

冷冰冰地洞陽春橐籥乾坤萬物新拋下葛藤提不起不知纏縛幾多人

送了侍者游台山

慕膾高舉與何窮秋在黃蘆葉裏風已事未明如蹈火白雲深處見巖翁

來知客慈峯之乳竇瞻禮明覺塔

湖邊問路入深雲十載心香一炷焚不見隱之真隱處曉風凌露葉初聞

賢侍者號木翁

永曲輪困貌似癡春風花鳥自忘機年來老

湖見前

●【隱之】事苑洞度錄師諱重顯字隱之侍中賈公奉開朝廷乞賜明覺之號

●【賢侍者】淨慈後錄編者

●【泉】泉力木切刻木也

●【輪囷】屈曲盤戾貌

●【無用】莊逍遙遊惠子謂莊子曰吾有大樹人謂之樗其大本擁腫而不中繩墨其小枝卷曲而不中規矩立之塗匠者不顧今子之言大而無用衆所同去也

●【勃窣】匍匐也見續輯

●【準侍者】淨慈後錄之編者

●【杞棘】南山有臺註杞樹如樗一名狗骨同落露篇在彼杞棘

●【未是汝同流】寒山問豐干汝去五臺作什麼豐干曰我去禮文殊曰汝不是我同流見佛祖讚

●【聞說聽經】通塞志道生法師入虎丘山聚石爲徒講涅槃經至

大渾無用一任叢林鼓是非

寄道彬侍者

勃窣家風一任眞述朱終是不成文何如竹榻吟清夜月到花梢有幾分

準侍者歸省

山空木落岸雲輕吹面霜風有幾程明月脩江歸夢急入門先祝老人星

清禪者游方

金風露浥菊花秋杞棘當途何處游衡岳康廬相撞著恐伊未是汝同流

珪禪者號石翁

逃空劫外已蒼然翫水觀山得幾年聞說聽

經曾肯首老來無力補青天

瞿居士號無知

遇緣觸境總茫然地闊天寬著那邊一點既明超物表不知將底鑑偏圓

贈妙潔道人

妙心明潔契如如操履分明女丈夫龐老家風殊不二漉高價許誰沽

廢寺

入眼荒蕪古殿秋歲華遷謝没人修夜深靜聽風甌語似罵檀那不點頭

越山

翠螺簇簇繞湖濱寒影清磨古鑑塵休問岡

聞提處則說有佛性且曰如我所說契佛心否詳石皆爲點頭

●【補青天】列子湯問篇則天地亦物也物有不足故昔者女媧氏鍊五色石以補其闕

●【茫然】列子據然無以應補然失忙云云

●【偏圓】詳四教集解寺

●【妙心】詳玄義二

●【如如】見法華文句寺

●【漉漉】會元龐居士傳有女名靈照常駕竹漉漉以供朝夕

●【兼】紳盛貌

●【越山】一統志紹興府即越國也

●【翠螺】謂山見佛祖雪竇贊

●【古鑑】暗謂鑑湖乎一統志紹興府鏡湖在府城西三十里古稱南湖

△輿地志南湖茶帶郊郭連屬峯岫白水翠巖互相映發

△晉王羲之云從山陰路上行如在盤中遊

△李白詩盤湖三百里函首發荷花

●【望夫石】一統志太平府古屬越同望夫山在府城北昔往楚累歲不還其妻登此山望之乃化為石

△紹興府無望夫石此府古屬越故云爾乎

●【傳真】名畫記黃筌善丹青凡所操筆皆逼真

●【石橋】類聚牛鹿寒山因趙州遊天台路次相逢山見牛跡問州云上座還識牛麼州云不識山指牛跡云此是五百羅漢遊山州云既是羅漢為甚麼却作牛去山云蒼天蒼天州呵呵大笑山云作甚麼州云蒼天蒼天山云這厮兒宛有大人之作

△石橋在天台縣北即五百應真之境有石梁架兩崖間龍形龜背

廣不盈咫其上雙澗合流洩為瀑布梁既峭危且多莓苔甚滑下臨絕澗過者必悸石罅有木瓜供大士詳前偈頌方廣寺下

△又一統志台州府石橋山在天台縣北五十里云云

頭望夫石人間恐有斷腸人

墨戲屠生善老融牛

草木傳真筆力高戴嵩牛在一秋毫此行莫

擬天台去忍作孤僧過石橋

題淨業圖

鍊行修身結佛冤未曾說著齒先寒老來不

願西方去樂得閻浮眼界寬

示惠靈為僧

●【墜腰石】壇經外紀師墜腰石鑄堯朔元年盧居士誌八字此石今存黃梅東禪

惠性何如見性通要教靈驗顯吾宗乘時颺
下墜腰石笑棒衣孟繼祖風

小佛事

侍者 慧明 編

咸淳元年三月十一日恭奉

聖旨宣入大內普說先於几筵殿遷

理宗皇帝靈輦入正殿拈香語錄師不

許刊行

安孝垂慈契宿熏鸞輿官殿出金門乾坤日

月無光彩草木咸霑舊日恩恭惟

烈文仁武安孝皇帝龍鳳之姿天日之表堯

仁舜德濟世澤民垂衣端拱四十一年顯道

繼明一十三葉時康物阜天清地寧十方國

土果圓一徑西天路活千華捧足百寶嚴身

●【慧明】前偶頌有示明禪者

●【靈輦】遷西都賦於是乘靈輦與備法駕云云

●【烈文】史綱宋紀理宗皇帝諱昀太祖十世孫榮王希瓚之子寧宗崩無嗣史彌遠矯詔近立之在位四十年壽六十二崩於福寧殿諡曰建道備德大功復興烈文仁武聖明安考皇帝廟號理宗

●【垂衣】見育王錄

●【四十二年】異史綱以此錄為正

●【顯道】史綱曰始終崇尙周程張朱義理之學故得廟號理宗亦賢矣哉

●【一十三葉】自太祖至理宗都十四世也又繼先帝十三世聖明之意乎詳宋史

●【十方】隨願往生經十方皆有淨土若欲生者隨願往生

●【千華捧足】見梵網戒經

●【六種震動】一動二起三涌四震五吼六擊六種中復各有三相等詳華嚴卷六

●【御藥】事文諸院部御藥院掌按驗方書修合藥劑以待進御

△戒禪師五祖師戒禪師也

●【光明】華嚴賢首品偈又放光明名見佛此光覺悟將沒者令隨憶念見如來命終得生其淨國見有臨終勸念佛又示尊像令瞻敬俾於佛所深歸仰是故得成此光明

空中仙樂來迎大地六種震動今也次第攀
違嚴駕奉重春行一句無私如何話會深炷
紫檀樓閣現百千諸佛共遨遊

楊御藥奉

聖旨請跋每月念佛圖

每月念佛之圖戒禪師所編自初一定光佛
為首三十日至釋迦世尊終而復始猶若貫
華新新不住念念不停口誦心思光明發現
為人天福此念佛精誠之感驗也然而當月
小之日黃面老子無所念處若趨在初一日
則定光佛又無念處以此究竟得去無上法
王於當念中巍然不動現端呈祥使定光不

●【都省董】見青王錄董姓節使節度使也

●【行慶】見延福錄

●【大尉】見青王錄

●【赤心】見頌古

●【風行草偃】見論語

●【隨珠絕類】搜神記隋侯行見大蛇傷而治之其後蛇銜珠以報之徑盈寸純白而夜光可以燭百里故歷世稱焉

●【趙璧無瑕】見報恩

●【水鳥樹林】彌陀經水鳥樹林悉皆念佛念法

●【轉位就功】僧問翠嵩宗如何是轉功就功嵩云撒手無依金体现扁舟漁父宿蘆花如何是轉位就功嵩云半夜嶺頭風月靜一聲高樹老猿啼見延福錄

●【大道無人】臨濟云大道絕同也云云

●【獨自行】永嘉云常獨行常獨

前釋迦不後二六時中拋三作兩喚去呼來普應大千統攝法界了無妨礙一任流通真所謂功成行滿者哉

都省董節使起棺

凜凜聲華出禁闈行藏多是合天機圓明定力人皆有妙得心傳世所稀都省節使大尉董公氣吞佛祖眼蓋乾坤赤心奉上則氣烈嚴霜綱紀禁廷則風行草偃隨珠絕類趙璧無瑕人間萬事只如許大笑一聲天地空今也溪山雲塢處處逢迎水鳥樹林互相顯發只如轉位就功出門一句作麼生拆棺云高空有月千門照大道無人獨自行

步達者同遊涅槃路也

●【湯正言】湯姓正言事文左右拾遺下宋雍熙五年改左右拾遺為左右正言

●【鐵面皮】正宗讚圓通秀嚴冷叢林號為鐵面

●【露消息】名義塔婆此云高顯

●【古擣】雙林也

●【大星先殞】十八史略諸葛亮病篤有大星赤而芒墜亮營中未幾亮卒

△又天台德韶傳大星殞于峯頂林木變白師乃示於旅蓮華峯參問如常集衆言別脚跌而逝

●【舍利】舍利此云骨身詳名義

●【宰塔波】宰塔波翻方墳等見前

●【徑山】續傳燈天童癡鈍頤法嗣杭州徑山荆叟如珏禪師婺州人初見癡鈍室中垂語曰如何是佛師答云爛冬瓜

湯正言請為前雙林雲峯德和尚入塔

劫火曾烹鐵面皮從來不放價頭低有時雲外露消息巖嶮門風到者迷某人一生擔板咬薑呷醋佛眼難窺兩處住山時止時行聖凡莫辯靖退全收晚節信緣來應古擣拍板未拈大星先殞今則舍利流溢剖玉斯函雖然未觀音容爭柰面目猶在還見麼提起骨云宰塔波中收不得無陰陽地起雲雷

徑山荆叟入淨慈祖堂

餓狗縛纏古調新年來奏入胡笳曲韻出凌霄最上層聽者和者俱不足天風吹散落西湖南宕菱蘆春水綠夜深相對共誰語無位

次中陪列祖

●【律鏡】字彙，律，苦堅切音率，惡絮鏡，即今切音離，繫鏡，一曰桂鏡。
 ●【凌霄】凌霄峯，在徑山，見前錄。
 ●【南宕】南宕，謂南山淨慈，平。
 ●【芙蓉】水神爾雅，芙蓉，牛駟郭璞，曰，今馬駟葉細銳，似芹可食。

秉炬

師觀書記

閩山青，見前浙水碧，去住悠悠，忘影跡，急從秋觀，整禪衣，不知天地誰相識，有相識無準的南山，爐鞴正炎，備看是甚，火色。

可拱藏主

進而趨，拱而立，五千餘卷詮註，不及沐浴更衣，信意行，道人瀟灑無包笠，火不燥，水不濕，鐵壁銀山從者裏入。

東山秀老請為小師一侍者

一呼便領，終不孤他國師，再喚不回，祇為貪程，太速，春雲乍歛，宿雨初收，火焰裏轉得身。

●【秋觀】周禮大宗伯，秋見，曰，秋觀，註，觀之言，勤也，欲其勤王之事。
 ●【南山】淨慈也。

●【五千餘卷】用藏主，緣。

●【他國師】用侍者，緣。
 ●【轉得身】用五祖，前身栽松道者，之緣，見佛祖贊。

●【清淨本然】見楞嚴

●【焮】蒲沒切，煙起貌

●【鷲】釋宗頌古，白雲端曰趙州放出，遼天鷲

△川老金剛經，頌六門進出，遼天鷲，獨步乾坤，豈不取

●【孤負吾】用忠國師侍者緣

●【偷眼】林通詩，霜禽欲下先偷眼

●【鷓鴣】潮州也，見偶頌

●【天末】謝莊賦，氣霏地表，雲歛天末

△一統志，潮州府至南京六千五百八里

●【當爐】古句，云坐熱鐵床，喫熱鐵

●【藥爐】清規，延壽堂主，下看視病僧，湯藥油燭炭火粥食五味常備，供須

來鉢袋子付囑，有在

本然侍者

清淨本然，臭煙燻焮，抹過兩重關，放出遼天鷲，然侍者將謂吾孤負汝，汝元來孤負吾偷眼，涅槃臺上望，果然做得死工夫

潮州本植禪者

鰓鄉枯瘠，人悟得傳心訣，無根樹子一植，便活不知寒影落，誰邊但覺腥風起，天末植禪者休甄別，當爐不避熱鐵

德圓堂主

行不德，規不圓，死則活，病則痊，寸心多在藥爐邊，誰委悉，實難言，無明火裏雪佛祖，冤

居靜副寺

以靜照心，日中逃影，以空觀妙，大夢方省，萬里岷峨飛片雲，何如月到千峯頂，靜副寺孤迥迥，火後莖茄點著便領

至義禪者

背法堂著草鞋去，衲僧義斷情忘，觀方知彼去，去彼不至，方轉入南山，爐鞴不守自己靈光，數莖枯骨撐天地，一葉扁舟載大唐

惟一知客

惟此一事，實餘二即非真，洞然明白，猶落法塵，自己禪只參半，夏行脚，眼帶來幾春，且向寒爐敲石火，不須茗椀驗來賓

●【以空觀妙】會元，德山云，汝但無心於事，無事於心，自然虛而靈空而妙

●【岷峨】蜀，我眉山，見前

●【千峯】淨慈，有千峯閣，見淨慈錄

●【孤迥迥】迥通作，洞遠也，寥遠也，俗作迥非也

●【莖茄】茅，俗作茄

●【背法堂】德山到，嵩山，見前

●【一事實】法華方便品，唯此一事實，餘二則非真，終不以小乘，濟度於衆生

●【洞然明白】見信心銘

●【猶落法塵】楞嚴云，縱滅一切見聞覺知，內守幽閑，猶爲法塵分別影事

●【四大部】般若寶積涅槃方廣佛華嚴

●【南屏】淨慈也見淨慈錄

●【火聚刀山】維摩云入三盡地獄如遊國觀

●【凌霄峯】徑山也見徑山錄

●【豎起拳頭】趙州到一庵主處問有麼有麼主豎起拳頭

●【賽】先伐切報也

●【臺直】見佛祖讚

暫到如是禪者

背得四大部經到頭不識如是虛已扣南屏
跨門先領旨火聚刀山當等閑去來不在秋
風裡

凌霄峯念菴主

正念現前七顛八倒豎起拳頭賓主分驗人
眼活如鷹鷂開時禪淨非照凌霄峯頂看雲
人天寒不入者爐竈

祖秀老宿

得之豈在衣盂賽過南能北秀胸襟空洞無
物導人如出諸已正如邪活如死一箇無羈
葛苴翁莫教觸著無明起

如松禪者

夜來好風吹折門前一枝松自南自北自西
自東破頭山下不雷同枝枯葉隕臘盡歲窮
磨洗雪霜禁得冷者回方覺煖烘烘

惟曉直歲

戴星耕耨何如叉手插鋤破曉燒畚勝似栽
田博飯近制急抽單子可是本色道流更若
喚不回頭火焰為汝說法

妙蓮上座

出水未出水衲僧未舉先知有子必有房動
著礙人牙齒休論半池霜倒且看綠影浮波
如今移向火中栽劫外香風來未已來未已

●【破頭山】栽松道者錄見佛祖贊

●【雷同】記曲禮母雷同註雷之發聲物無不同時應者故曰雷同又雷震百里謂之一同

●【烘烘】烘胡公切燥也

●【戴星】呂氏春秋宓子賤彈鳴琴而單父治巫馬期戴星出入而單父亦治

●【耕耨】耨乃豆切耨草器

△孟子深耕易耨
△纂文耨如鋸柄三尺刀廣二寸以刺地除草

△呂氏春秋耨柄其長六寸所以問稼

●【叉手插鋤】仰山錄見頌古

●【破曉燒畚】地藏錄見徑山後錄

●【火焰】雲門語見頌古
●【出水】雪竇頌古蓮華荷葉報君知出水何如未出時

②【半池】杜詩霜倒半池蓮

③【綠影】張文潛荷花詩平池碧玉秋波瑩綠雲擁

④【火中】火中蓮出維摩經

△又證道歌火中生蓮終不壞云

⑤【黃梅】廬行者綠也

⑥【鄮嶺】鄮嶺育王也

擲下火把云休要葛藤

樹頭祖用

黃梅不墜腰間石鄮嶺惟栽帶雨松四十餘年今有驗長長短短用無窮祖衣未得入手萬緣先以頓空無柄饗頭何處著見前一時分付丙丁童

②【溟滓】自然氣又大水又混茫貌

③【三賢十聖】三賢仁王護國經疏十住十行十回向諸位菩薩但斷見思惑盡尚有無明惑在未入聖位故名賢名賢有三義隣聖義和義直善義也

△十聖不載三藏法數等事苑十玄談十聖者即十地聖人一歡喜二離垢三發光四熾慧五難勝六見前七遠行八不動九善慧十法雲名聖

△玄義四云通名聖者正也若忍真明發捨凡性入聖性真智見理故名聖人

④【拱手】歸降義見前

⑤【報君親】輔教編云佛之道豈一人之私為乎抑亦有意天下國家矣何嘗不存其君臣父子邪豈妨人所生養之道耶但其所出不自史而張之亦其化之理隱而難

法語

高麗國淑法師印藏經

如石含玉非精鑑焉能識其真道在已躬苟外求難以適其妙鑑之弗精則隱微求之不能則溟滓要明體道之源非朝夕而可求之者也故我竺土老師守志不堅棄萬乘尊榮受六年饑凍於臘月八夜忽觀明星不離草座入不思議之境說一大藏葛藤籠絡天地日月包括陰陽造化致於有情無情總出他影子不得三賢十聖無不傾心外道天魔悉皆拱手可以報君親厚風俗鎮浮去偽潛利陰益者多矣末後却道始從鹿野苑終至跋

見故世不得，而盡信。

●【跋提河】名義集譯曰有金河，是產閻浮金處，佛來此河邊入滅。

●【於是二中間】楞伽所說

●【赤縣神州】中國名，曰赤縣神州，見前

●【海藏金文】事苑十玄談按華嚴藏，佛滅度後六百年，龍樹菩薩入龍宮，見華嚴大經，凡有三本，上中二本，非凡力所持，遂誦出，下本流於天竺，此土云云

△統紀龍樹紀獨處靜室水精房中，大龍菩薩感其心念，即以神力接，入大海宮殿，開七寶函，與諸方等經典，九十日，中通解甚多，龍曰：汝今閱經，為獨未邪？師曰：汝經無量，不可得盡，我今所讀，足過閻浮十倍，龍曰：初利天上，諸經復過此中百千萬倍

●【破一微塵】華嚴經云：譬如有一大經卷，書寫三千大千世界事，全在一微塵中，時有智人破彼微塵，出此經卷，詳神源諸論，都序

●【阿字法門】名義阿字門四十二字，初也

△大品云：阿字門一切法初不生也

△又華嚴云：唱阿字時，入般若波羅蜜門，名以菩薩威力，入無差別

境界

△疏云：阿者入無生義，無生之理，統該萬法，菩薩得此，無生達諸法，空斷一切障

●【景定】理宗年號，癸亥四年也

●【四明雪竇】行狀：迫於晚景，退閑，明覺塔下，作終焉計

●【禾興光孝】前偈頌部有明知客江心，訪竺峯，偶續傳燈，無雪蓬名，禾興光孝，嘉興報恩光孝禪寺也

●【澱湖】一統志：松江府澱湖同澱山，在府城西北六十里，澱湖中其形四面如鼉，上有浮圖，下有龍洞，屹立湖傍，有小山，寺僧立亭其上，曰明極

△許尚詩：澱閣輝金碧，遐觀足畫圖，維舟一登覽，誤涉小方壺

●【當祖行】風俗通云：祖也，今人謂錢行曰祖道

●【不香雲夢澤】相如子虛賦云

提河於是二中間未嘗譚一字，可煞漏逗從茲，關鑰不嚴，便見殊方異域，赤縣神州，海藏金文無處不有，豈止乎破一微塵而出此經卷而已哉！高麗淑法師者，竺土老師之眷屬也，宿熏既深，航海而來，遠致一身，願滿十藏，綿歷風霜，其志愈篤，遍尋知識，求所未聞，儻能未展經條，入此阿字法門，則五千餘卷，總是切脚，且道切箇什麼字，因慕然眼皮綻不

得忘却老僧，宋景定癸亥秋八月，虛堂叟書于四明雪竇西菴

雪蓬明長老赴禾興光孝

雪蓬明老相從，有日自育王過東山，客欄之下，溫然如春，此老之力也在南屏，居第一座，忽澱湖有公選之，寵二年復勝集于雙徑，仍歸第一座，羣心歡如，今領朝命，遐赴禾興，光孝臨歧，聊據數語，以當祖行，卓錫無地，空餘雙眼，蓋乾坤鐵笛橫吹，有氣不吞雲夢澤，煙波渺渺，蘭棹依依，雪蘆霜葦冷，相宜幾度，揭開閑對月，鴛湖深處不必垂絲，長水江頭錦鱗自得，臨歧句子如何分付，風飄飄兮吹衣

夢者方九百里，又次曰吞若雲夢者八九，其於何中曾不審芥。

●【蘭掉】楚辭九歌云：桂，櫂兮蘭，槳。

●【揭開】莊子：若揭日月而行。註：若擔揭日月而行於世。

●【鴛湖】鴛鴦湖長水江，皆在嘉興，見輿地錄。

●【風飄飄】見淵明歸去來辭。

●【咸淳戊辰】度宗年號四年也。

●【不動軒】徑山，方丈，見徑山錄。

●【隆禪師】元亨釋普淨禪師，釋道隆，宋國西蜀涪江人也，姓冉氏，入

浙，見範無準冲癡絕簡北彌，諸大

老皆無所契，漸居陽山，依無明性

禪師，性室中舉，東山，牛過，窓欄，話

隆間，有省，以淳祐六年乘商舶，著

宰府，本朝寬元四年丙午也，副元

帥平，時賴軍務之暇，命鶴問，道，帥

乃啓巨福之基址，構大禪苑，請隆

開山說法，巨福，建長也。

●【陽山】一統志：吉安府，陽山，在

永豐縣西北，此地乎。

●【無明】宗派圖松源下收雙塔

水冷冷兮聲詩，咸淳戊辰秋九月虛堂老僧
書于不動軒是年八十四

日本建長寺隆禪師語錄跋

宋有名衲自號蘭溪，一筇高出於岷峨萬里，
南詢於吳越，陽山領旨到頭不識無明擡脚，
千鈞肯踐松源家法，乘桴于海，大行日本國，
中淵默雷聲三董半千，雄席積之歲月，遂成
簡編，忍禪久侍雪庭，遠訪四明，錢梓言不及

●【乘桴】語所謂乘桴浮于海

●【三董】建長建仁壽福也，見釋

書

●【望林止渴】魏世說：魏武軍士

大渴，無水，令曰：前有梅林，可止渴，

士卒聞之，口中水出。

●【雪峯霜林】續傳燈：妙峯善法

嗣雪峯霜林，果禪師云云。

●【足陌】見徑山後錄。

●【陞其堂】語：先進子曰：由也升

堂矣，未入於室也。注：升堂入室，喻

入道之次第。言子路之學已造乎

正大高明之域，特未深入精微之

奧耳。

處務要正脉流通，用無盡時，切忌望林止渴，

雪峯霜林果禪師語錄跋

大慧下尊宿尚多，足陌虎丘下子孫尚多，省
數足陌使之有限，省數用之無窮，罵天翁三
傳而之霜林萬木，正當凋落，鬱然興起，此蓋
擅省數而得之善觀是錄者，可以陞其堂而
未可入其室。

●【慶遠俊】寶林錄編者，又出偈頌部徑山後錄，有閏月爲新慶遠上堂。

●【虎頭燕頰】見徑山前錄。

●【禍胎】前漢牧乘傳，福生有基禍，生有胎納其基，絕其胎，禍何自來。

△坡驪山詩，上皇不念前車，戒却怨驪山，是禍胎。

●【淨覃】偶頌有淨覃遊方題。

●【以文】續輯之編者。

●【天地不仁】老子，天地不仁以萬物爲芻狗，注，生物，仁也，天地雖生物，而不以爲功，與物相忘也，見與聖錄。

●【偷營劫寨】營，軍壘也，寨，與營同，助過，切壘也。

●【喜捨慈悲】四無量心也，詳法界次第上。

●【凋瘵】選，木玄虛，海賦，天網泮泮爲凋爲瘵，註，凋，傷也，瘵，病也。

●【膏毒】古文，無蜂蠆之毒，尾又無蚊蚋之利，膏。

●【新建】見淨慈後錄，謝賜由上堂。

●【會不約】見徑山後錄。

●【兩朝聖主】指理宗度宗也。

●【中興】建，報恩光孝，孝，徽宗，香火，見與聖錄。

●【平如砥】詩，大東周道如砥，云註，砥，礪石言，平，也。

●【日本紹明】南浦錄，咸淳改元之夏，在淨慈，所請也。

●【金圈栗蓬】金剛圈栗蓬。

眞贊

慶遠俊長老請

老不死心未灰，觸著惡發青天怒，雷引得虎頭燕頰，競起叢林禍胎，點著便領，何其俊哉。

淨覃藏主請

容易肯入難，與共語竹篋頭，惜之如金，禪牀角委之，如土，淨覃知藏善，知機，電光影裏分賓主。

以文長老請

天地不仁出此，妖恠有偷營劫寨之機，無喜捨慈悲之戒，正脉將沈，法門凋瘵，如何嗣續，松源派大奸難，後越精神罵人，背毒如蜂蕙。

新建淨慈天錫莊請

不期而會不約而同，晴光燦燦和氣融融，際遇。

兩朝聖主中興，徽廟禪叢，良田天錫，平如砥，坐對靈苗歲歲豐。

徒弟宗璞建施水菴請

等是垂慈初，無門戶璞玉既分，兮可觀梵儀頓舉，兮難觀凌霄峯頂看雲，人普化堂中第一祖。

日本紹明知客請

紹既明白語不失宗，手頭簸弄金圈栗蓬，大唐國裡無人會，又却乘流過海東。

●【是亦刻】會元嚴頭曰：幾麼麼，便不恁麼，是句亦刻，非句亦刻。

籓溪禪子請
怒氣噴人殊不可犯，雖有蓋膽毛且無驗人眼。是亦刻，非亦刻，咬定牙關，一生擔板。

●【玉几】青王也。

光禪者請
初而欣，久而厭，明月夜光多，逢按劍，但信得及，自有靈驗。

●【靈腑】腑通作府，莊德充符。△仲尼曰：云云，故不足以滑和，不可入於靈府。

無則都寺玉几寫予夢影，自散席後，言音不相接者十二年。今上徑山請贊筆，老墨澀勉而書之。
敬而遠親而踈，明鑑靈腑善定鎖銖，凌霄高而衆峰拱，海嶠聳而蟾影孤。子歸就父，吾不識渠。

●【老郎】口授老郎，稱行者也。
●【神木爭榮】風穴云：若立一庭，家國興盛，不立一庭，家國喪亡。見前。

徑山西寮衆老郎請
霜嚴氣烈，山空月明，涵養有得，剗削不平，拈起則佛祖不識，放下也。草木爭榮，推到凌霄八十四，誰知名重九重城。咄。

●【十會】與聖報恩顯孝瑞巖延福寶林育王栢巖淨慈徑山也。

妙源嘗拜觀師十會語，如南屏雙徑，提唱甚多，惜乎未盡，錢梓曩曾侍師於凌霄，因有此請，不允。今叢林衲子咸欲流傳，謹錄成後集，倘覽者言外知歸，則我師之語何剩焉。咸淳五年歲在己巳，佛成道日新差住持福州鼓山嗣法小師妙源拜書。

●【妙源拜書】師十月七日入寂，到臘八編錄。

小師楚萃清塞 謹抽衣資命工刊行

【宗卓】宗派圖南浦法嗣淨智絕塵宗卓禪師也說見後序

【禪會圖】禪門編素聚會之圖都十二幅

【大中天子】大中宣宗曆號也君嚴大中天子會輕觸評宣宗乃大中也到鹽官會中樂一日禮佛次大中見而問曰不著佛求不著法求不著衆求禮拜當何所求樂云不著佛求不著法求不著衆求常禮如是大中云用禮何為樂便掌大中云太倉生樂云這裏什麼所在說危說細樂又掌大中後繼國位賜黃藥為危行沙門云云

【趙王訪趙州】會元趙州因真定師王公携諸子入院師坐而問曰大王會麼王曰不會州曰自小持齋身已老見人無力下禪牀王尤加禮重

【堅不剛】三略云純柔純弱其國必削純剛純強其國必亡

【蕭宗】蕭宗名享李唐第八代主

【十身】大般若五百六十八曰佛告最勝天子言天王當知諸菩薩摩訶薩行深般若波羅蜜多能得如來十身差別云何為十一平等身二清淨身三無盡身四善修身五法性身六離尋伺身七不思議身八寂靜身九虛空身十妙智身

△君嚴此話評云十身調御者即是十種他受用身又云佛謂之調御便是十號之數也云云

虛堂和尚新添

勅差住持洛陽萬壽法孫比丘宗卓集

讚禪會圖

黃檗禮佛掌 宣宗

七赤之軀額有圓珠問著便掌瞻大心麓不是大中天子幾乎喚馬作驢大家水底按葫蘆

趙王訪趙州州不下禪牀

堅不剛柔不弱七百甲子老翁偏要用此一

著列土王來不下牀高風千古為標格

肅宗問忠國師十身調御

萬乘垂衣立問端國師答處太瞞預誰知十月清霜重一陣風來一陣寒

李翱參藥山

黑豆數無窮青松蓋不盡癯然老比丘即此吾無隱更提雲水曲周遮添得傍人眼裏花

韓愈見大顛

鼐拍板無孔笛省要乞一言虛空轟霹靂臨機不解轉身又却隨他聲色非聲色洞庭湖外千峯碧

【吾無隱】語述而子曰二三子以我為隱乎吾無隱乎爾
【韓愈見大顛】類聚宰臣韓愈文公鎮潮州暇日謁大顛禪師白云弟子軍州事多省要處乞師一言師良久韓問措時三平為侍者乃敲禪床三下師云作麼平云先以定動後以智拔韓乃禮謝三平云和尚門風高峻弟子於侍者邊得箇入處
△大顛名實通嗣石頭

●【莊宗】類聚帝王唐莊宗問興化美禪師云寡人收中原得一寶只是無人關價師云請陛下實看帝以兩手引雙頭脚示之師云君王之寶誰敢關價帝大悅

△唐五代唐也莊宗名存勗雙頭巾名

△朱子語錄唐人雙頭初止以紗爲之後以其軟遂斫木作一山子在前襯起

△又云雙頭四角有脚兩脚係向前兩脚係向後後來遂橫兩脚以鐵線張之

△又云雙頭本是假脚垂下要束得緊今却做長脚間橫渠說唐莊宗取伶官雙頭帶之後遂成例曰不是如是莊宗在位未幾能便化風俗象是伶人所帶士大夫亦未肯帶之云云

●【順宗】順宗名誦季唐第十一代主然問鵝湖者順宗子憲宗也

△傳燈馬祖法嗣信州鵝湖大義禪師唐憲宗嘗詔入內於麟德殿

論議云云師又舉順宗問尸利禪師大地衆生如何得見性成佛尸

利云佛性猶如水中月可見不可取因謂帝曰佛性非見必見水中

月如何擡取帝乃問何者是佛性師對曰不離陛下所問帝默契真

宗益加欽重統紀通塞志等亦同

△雙臂持滿而弓曲貌見前

●【文宗】文宗名昂季唐第十五代主通塞志文宗開成元年一日

莊宗宣興化問答

君臣慶會豁全機百億山河盡貢歸拈起太平無價寶乾坤何處不光輝

順宗問鵝湖大義禪師

當機一句關天關海關山遙豈等閑堪笑冬瓜長備伺翻成瓠子曲彎彎

文宗問終南山蛤蜊瑞相

擲不開撲不破人言大士應身我也疑他真

食蛤蜊有雙不開者焚香禱之俄變爲大士形帝召終南山惟政禪師問之師曰夫物無虛應此蓋廣陛下信心耳經云應以此身得度者即現此身而爲說法帝曰大士已現未聞說法師曰陛下觀此爲常爲非常爲信爲非信帝曰希有之事焉得不信師曰已說法竟帝大悅

△傳燈四嵩山普寂法嗣終南山惟政禪師云云詳載此緣

●【龐居士】高法不侶之緣見前

●【丹霞】會元丹霞傳訪龐居士見女子靈照洗菜次師曰居士在否女子放下菜籃欽手而立師又問居士在否女子提籃便行師遂回須臾居士歸女子乃舉前話士曰丹霞在麼女曰去也士曰赤土塗牛額

●【妙】當作炒煎炒皆急迫之謂事見寶林除夜小參

箇終南山相應和喜動龍顏百僚俱賀誰知別有彌天過

龐居士問馬大師

藏頭露影問來由却把西江盡力酬回首眼空天地窄不知身在御街游

丹霞見靈照女

冤有頭債有主天然欲訪龐翁恰好撞著此女揣盡家私瓜甜蒂苦因茲上下不和同牛爛郎忙塗赤土

龐居士大家團圓共說無生話

窮厮煎餓厮炒父子不同途大家相脫卯萬頃湘江洗不清無生曲調何時了

●【大家】傳燈居士傳有偈曰有男不婚有女不嫁大家團圓頭共說無生話

△脫卯見寶林錄

●【萬項湘江】居士衡陽人庵在彼見得項湘江在衡州故云爾

●【龐居士】傳燈居士將入滅令女靈照出視日早晚及午以報女靈照曰日已中矣而有餘也居士出戶觀火靈照即登父座合掌坐亡於是更延七日而化

●【一火絡】古句云一火弄泥團

●【紹定】理宗年號四年辛卯也與聖錄作二年五月一日受請

●【清明日】荆楚歲時記去冬至一百五日謂之寒食寒食後二日謂之清明

△又筆下歲時記唐朝清明取榆柳之火以賜近臣順陽氣也

●【棘林】仗錫棘林見育王錄

龐居士闔家都去

神出鬼沒接響承虛這一火絡邪法難扶互

將魚目作明珠笑倒西天碧眼胡

紹定四年清明日住嘉禾興聖智愚為

妙源侍者敬贊

棘林和尚遺書至

因記七峯來玉几去年花月下雲坳未周一

歲背盟我別盡春燈眼不交

鍼生大阮

假道鍼鋒上行藏雲水中且非心法妙自是

手頭通前輩多遺偈靈襟出衆工明朝何處

去黃葉度谿風

琳禪人歸豫章

慎將窺管鑑靈知用在亡羊愧在斯莫謂西

山好消息須知江海有名緇

雲山小景

渺渺晴煙薄蒼蒼古樹昏天涯殊未足對此

暗消魂

孤山

黯黯青青一望中迥然不與衆峯同白雲散

盡江天曉想見人間無路通

右五或載前錄今本不見故收在此

和秉彝李君五偈

深夜何人立少林見成公案不須尋堆山積

●【七峯玉几】仗錫山之境致也玉几即育王也育王錄有仗錫和尚至上堂

●【雲坳】於交切與凹同地坳下也不平也

●【背盟】左成公元年傳叔服曰背盟而欺大國此必欺背盟不祥欺大國不義

●【心法】莊子得之於手而應於心見前

●【豫章】一統志江西南昌府即豫章郡也

●【窺管】前東方朔傳語曰以窺闕天以盡測海以盡撞鐘註窺古管字盡窺也窺謂窺窺也

●【亡羊】列子說符楊子之鄰人亡羊既季其黨又請楊子之豎追之楊子曰嘻亡一羊何追者之衆鄰人曰多岐路既反問獲羊乎曰亡之矣曰奚亡之曰岐路之中又有岐焉不知所之所以反也註岐

路分也。岐路之中，又有岐路謂分而又分也。以喻學術之不一。

●【西山】一統志南昌府西山，上有仙洞，其最幽絕，處有香城蘭若。

●【黯黯】黯，乙咸切，深黑也。

●【深夜】二祖立雪，見前。

●【呈瑞】臘雪，為瑞，見徑山後錄。

●【財】慰通，作尉。

●【可憐生】憐，愛也。生，語辭。

●【六街】指都下，見前。

●【端石】硯也。東軒筆錄：魏泰曰：端溪有三種，曰岩，上曰西坑，曰後磨，云云。

△又蘇易簡硯譜詳之，見事文等。

●【悼詞】傷也。哀也。記曲禮七十曰：悼。

●【詩魔】白樂天詩：所謂惟有詩魔降，未得每逢風月一開吟。

●【修羅】詳名義二。

●【諱是】古文諱，注諱，告也。即亂辭也。

嶽難消遣，相對頑然，鐵作心。

呈瑞喧傳，是有年，眼前分曉，被人謾自家冷。

暖知來處，老骨從前不怕寒。

千鈞之重，一毫輕，好句聊將尉客情，縱擬怪

松為玉樹，月高依舊可憐生。

曉聽君臣慶賀時，六街如畫不曾迷，普賢境

界應垂問，手詔來時見紫泥。

爐邊呵凍得能多，端石無辜日夜磨，却把悼

詞為雪咏，詩魔難敵勝修羅。

寵和五偈調高難續，未免諱是伏丐笑。

監智愚再拜 贈禪客智仁

法戰場中樹勝旗，話頭何似問頭危，古人減

竈添兵，處切忌交鋒，蹉過伊。

問話行者智仁炷香請語，以此贈之，景

定癸亥至節，虛堂老僧書于雪竇西菴。

送日本南浦知客

敲磕門庭細揣摩，路頭盡處再經過，明明說

與虛堂叟東海兒孫日轉多。

明知客自發明，後欲告歸日本尋照知

客通首座源長老聚頭說，龍峯會裏家

私袖紙求法語，老僧今年八十三，無力

思索作一偈以資行色，萬里水程以道

珍衛咸淳丁卯秋住大唐徑山智愚書

●【笑搖】搖與擊同，撮持別作，撥非也。

●【減竈添兵】減竈，見報恩錄，添兵，後漢虞翻傳：羌寇武都，謂令吏士各作兩灶，日增倍之，卒破，羌來云云。

●【揣摩】揣度也。試也。量也。除也。揣摩也。又度，上下曰揣。

●【通首座】見偈頌部。

●【源長老】寶葉妙源禪師，見前行色莊：盜跖孔子至魯，東門外適遇柳下季，柳下季曰：今者闕然數日不見，車馬有行色云云，註言其以有所往而方歸也。

●【咸淳】宋度宗年號，丁卯三年。

①【不動軒】徑山見前

②【鉗錘】錘通作錘

③【圓通】詳楞嚴觀音入理

④【咸淳戊辰】四年

⑤【蓬萊宣】見前

于不動軒

鳴鐘佛事

烹金鍊玉鍛聖鎔凡不假鉗錘便成大器霜
清月皎證圓通三昧之門雲淡天低破勞生
昏迷之夢壽同空有永鎮化城最初一椎如
何話會聲鐘一下云劫石有銷日洪音無盡
時

化城鳴鐘咸淳戊辰冬十月日住徑山

虛堂智愚書

答蓬萊宣長老書

智愚啓復蓬萊堂頭無示禪師二月初十僕
至收所惠書且審住持緣法增勝爲尉所言

⑥【心腹宣勞】選五十班孟堅述
高紀股肱蕭曹社稷是經爪牙信
布腹心良平注張良陳平爲高祖
腹心之用

⑦【地藏】見經山後錄

⑧【風穴】見寶林錄

⑨【瀉山】會元瀉山是山峭絕
無人煙猿猴爲伍橡栗充食經于
五七載絕無來者

⑩【目】論語請問其目

⑪【光老】東谷和尚也見行狀

⑫【移單】塔在靈隱見行狀

⑬【耳根清淨】見楞嚴觀音圓通
下

乏心腹宣勞之人時節使然當體古風地藏
道諸方說禪浩浩爭如我種田博飯者般說
話大有田地風穴見破屋數間單丁者七年
瀉山喫橡斗子九載此皆哲人事業光明後
世如此但恐無久遠之心今則利道交行不
可舉目也况蓬萊海上名山前輩行道之地
自當退步謹愿以叢林爲念以衆人爲心自
然般若之緣勝起香風四吹何患無宣勞者
勉旃是請承惠紫茹兩月不甚佳想交運如
此靈隱已脫選相伴而已光老恐三月初進
院移單歸松源塔所去庶耳根清淨又得江
湖兄弟相伴飲茶道話足矣寄來提唱已一

一點校付，則師封去緣。方郎母信搭住幾時，凡後措辭遣言，子細錐筍古今，詳盡大意，下及處較嚴，莫似諸方泥中洗土，春暄善宜，調攝至祝不盡。二月二十八日，智愚啓復。

示權淨侍收

出家人務在潔清淨勤策三業，不當塵俗汚居。老夫偶適之低細教育，令其照前所戒，潔已虛心，學業周身以了。出家本志，如其不然，請出此局。

辭世頌

八十五年佛祖不識掉臂，便行太虛絕跡。

【掉臂】會元三祖會云：因行不妨掉臂。

行狀

【四明象山】一統志：寧波府唐名四明，以鄞有四明山也。象山同縣名。
【卜壽穴】唐姚最自作壽藏，署曰寂居穴。
【廕】廕庇也。又陰景，曰廕俗作廕弄。

【脩】長也。
【迺】迺與擬同。

【長時】本集八句也。舉前四句長時，作當時，輒作最。

師諱智愚，四明象山陳氏子。虛堂其號也。家近邑之普明寺，相距一里許。有山其祖欲卜壽穴，相者謂此地高則廕子孫富盛，低則當出異僧。祖曰：願得僧以副吾崇佛之志。及祖葬，未數年，母鄭氏嘗夢一老僧脩而癯，長挹乞飯，因而娠焉。逮生之夕，母復夢如前。年十二，父母携師拜祖墳，言其事。師若有所憶，至十六歲，無經世意。父母見有異相，舌貫鼻端，聽其依普明寺。僧師蘊出家，一日聞誦杜工部天河詩，長時任顯晦。秋至，輒分明縱被微雲掩，終能永夜清。忽有警發，辭親出鄉，首依

●【掩室】續傳燈松源岳法嗣鏡江，金山掩室，善開云云。

●【真之天寧】運庵錄云：初住鎮江府之普照，次遷真州之報恩，光孝後居安吉州之道場山。

△一統志：揚州府儀真縣宋為真州，同府天寧寺注舊名報恩。

●【雪上】一統志：湖州府宋為安吉州，又為雪川郡，以川名。

●【不釐務侍者】會元大慧傳：遂令居擇木堂，為不釐務侍者，日同士大夫入室，注擇木乃朝士止息處。

●【大地載不起】傳燈玄沙廣語云：大地載不起，虛空包不盡，豈是小事。ナラン

雪竇煥和尚淨慈中庵皎和尚公務外惟坐禪二老撫愛常置之，左右道過金山掩室和尚一見甚器重，通夕與語無倦，是時運庵師祖謝事，真之天寧邂逅語話見其氣宇不凡，未幾赴道場携師過雪上，薙染為不釐務侍者，凡入室常舉古帆未掛，因緣不許下語，思之古帆未掛話有甚難會，其實只是一漚未發已前事，何得不教人下語造方丈，通見解聲未絕，庵云何不合取狗口，靜地裏密密體取去歸寮，不覺躁悶，忽然會得古帆未掛話清淨，行者不入涅槃話，次日入室却問南泉，見前斬貓兒如何，師云大地載不起，庵低頭微笑。

●【荆門玉泉】一統志：荊州府荊門州玉泉寺，在當陽縣，詳佛祖贊。

●【東林】同九江府，在東林寺。

●【泮然】泮通作泮，冰釋也。

●【福嚴】一統志：衡州府福嚴寺，在衡山縣，雲密峯。

●【脩首座】見佛祖贊。

自此徧歷諸大老之門，與石帆衍叔結盟，游江淮湘漢，巡禮祖塔，坐夏荆門，玉泉因思，虞察院於踈山壽塔，因緣發明，孜孜參究，因過廬山大雪彌月，在東林且過堂夜坐，無心中會得大嶺古佛放光時節，自此凝滯泮然，其時無二月和尚主福嚴奔走龍象，師往依之，即命典藏有脩首座飽參碩學，歸隱南嶽，影不出山，未嘗容易肯可，諸方師與商略古今，反覆博約深相契合，有北禪禮和尚機辯峻捷，衲子少得登其門者，師一日訪之，厲聲曰：新到相看禮云長老不在，師云已得真人好消息，禮出喚行者云：新到僧在那裏，師指露。

●【通身紅爛】會元藥山傳問學人擬歸鄉時如何師曰汝父母偏身紅爛臥在荆棘林中汝歸何所曰恁麼則不歸去也師曰汝却須歸去汝若歸鄉我示箇休糧方子曰便請師曰二時上堂不得敲破一粒米

●【笑翁】續傳燈笑翁名妙堪嗣無用全

●【虎丘】見虎丘錄

●【開府】事文三公部魏黃權以車騎將軍開府儀同三司開府之名始此宋大宰已下至光祿大夫開府者為文公大司馬以下至諸將軍開府者為武公

●【復遷瑞巖】見延福錄

柱云和尚問備何不答禮云甚處來師云福嚴禮云行李在甚麼處師云在且過堂禮云我不問備者箇行李師云若是那箇行李北禪門下著不得傾倒不忍舍由是回浙到淨慈見淨和尚淨問云備還知所生父母通身紅爛在荆棘林中麼師云好事不在忽忙淨隨後打一拳師展兩手云且緩緩時笑翁和尚住靈隱以虎丘舊職命師再尸藏事舉住杭之廣覺力辭忠獻史衛王秉鈞軸嘉禾天寧別浦以師名聞之出世興聖實紹定二年也後遷報恩開府存畊趙公以明之顯孝力請開山復遷瑞巖二年丐退掩關啓霞萃成

●【侍郎黃公】四明主也見偈頌部

●【東谷】續傳燈明極祚法嗣東谷光云

●【寶祐戊午】當作丙辰育王錄寶祐四年四月初七日受請十九日入寺同次下寶祐戊午六月十四日羅難戊午即六年也自入寺三年之數錄

●【有司節齊】製育王請願見育王錄

●【吳制相】史綱理宗淳祐十一年吳潛為右丞相兼樞密使蓋此人乎

●【鄉郡】指明州

●【明覺塔下】雪竇西庵

●【景定】理宗年號甲子五年也

頌古代別延福虛席侍郎黃公堅請主之繼遷婺之寶林五年嬰強寇之難歸松源塔下東谷和尚主冷泉欲舉立僧恐不俯就衲子再三禮請師從之開室普說垂三轉語罔有湊泊寶祐戊午育王虛席禪衲毅然陳乞有司節齊尚書陳公嘉其公議特與敷奏是年四月領寺事三年吳制相信讒懷隙辱師欲損其德師怡然自若始終拒抗略無變色聖旨宣諭釋放作偈奉謝云去時曉露消袿暑歸日秋聲滿夕陽恩渥重重何以報望無雲處祝天長古愚余尚書典鄉郡特以金文延之迫於晚景退閑明覺塔下作終焉計景

①【天錫】賜或作錫
②【兩宮】謂皇后與度宗
③【資】落益切賜也

④【綾腰】徑山後錄作度腰

△統紀會要志天寶六載敕僧尼屬兩街功德使始令祠部給牒用綾素

⑤【帑帛】說文金帛所藏也左傳荀伯送其帑

定甲子有旨 詔住淨慈衲子奔集堂單無以容半居堂外上徹 宸聽賜絹百疋造帳米伍佰碩楮券十萬貫是年秋又賜田參阡餘畝即今天錫莊是也十月 帝崩召師入內對靈普說兩宮宣賚優渥丁卯秋遷徑山冬十月 朝廷降香遣使禱雪問師期應師曰今夕果至期無爽回奏賜綾牒貳拾道銀券等一新僧堂浴堂行堂區區工役中猶勵衆無怠師感 兩朝恩遇之寵將所賜帑帛創小庵於望雲亭之東扁曰天澤就築塔爲歸藏之地師平生性不通方與時寡合臨事無所寬假言纔脫口則釋然無間以是學者

①【靈雲】混沌未分話

②【已巳】度宗咸淳五年也

畏而仰之二十年常舉靈雲兩處不答徵問衲子少有契其意者已巳十月五日祖忌拈香罷忽感微疾越二日書偈沐浴端坐而逝春秋八十五夏臘五十三嗣法十數人語錄二帙已行於世門人奉全身瘞于塔焉咸淳十年十月十一日新筍差 住持慶元府清涼禪寺嗣法小師 法雲 謹狀

行狀或唐刊系在後錄未今本不見故付于此

終